

CONSTITUTION OF KENYA REVIEW COMMISSION

(CKRC)

Verbatim Report Of

DISSEMINATION OF REPORT AND DRAFT BILL,

NYERI CONSTITUENCY,

HELD AT NYERI TOWN HALL

ON

15TH OCTOBER 2002

DISSEMINATION OF REPORT AND DRAFT BILL, NYERI CONSTITUENCY, HELD AT NYERI TOWN HALL ON 15th October 2002

Present:

1. Com. Dr. Githu Muigai

Secretariat Staff In-Attendance.

1. Anne Wairimu Miki - Assistant Program Officer
2. Grace Gitu - Verbatim Reporter
3. Johnson Mugo Nyumu - District Coordinator

The meeting started at 11 a.m.

Mugo Nyumu: Nitamuomba ndugu yetu Mr. Kuria aje hapa atuongoze kwa maombi.

Abdi Kuria: Islamic Prayers. *Audhu Billahi Mina Sheitwani Rajim, Bismillahi Rahmani Rahim. Alhamdullilahi Rabil Alamin, Arahmani Rahim Maliki Yaumi Din, Iyaka na Aa'budu wa Iyaka Nasta'in, Ih'dina Siratal Mustaqim, Siratal Lathina An Amta Aleihim, Khairil Maqthubi Aleihim Walathwaalin - AMIN*

Mugo Nyumu: Asanteni sana niwasalimie tena hamjambo. Kwa kawaida tumekuwa na mikutano mingi katika Nyeri ya kuzungumzia Katiba na tumekuwa tukizungumza kwa Kikuyu. Ndiui kana andu a Nyeri kwi mundu wina thina tungiaria Gikuyu. Kuna mtu atakuwa na shida tukiongea lugha ya Kikuyu. Basi kama hakuna, tutaendelea na hiyo hiyo lugha kwa sababu tumesema hapa ni nchi ambayo watu wanaelewa hiyo lugha. Itanambiriria, ningwenda ndimumenyithie kuri andu amwe nigetha tuambiririe mkutano witu. Nii nyambe ndimuire nii ndiramuariria njitagwo Mugo. Ni nii ngoragwo ndugamiriire Katiba thiini wa

Nyeri district ndi Coordinator na nituanacemania na aingi anyu. Riu nguria andu aria twinao haha a kamati ya Constitution thiini wa Nyeri constituency. Aria tuinao marugame o mundu e yuge ritwa riake. Tafadhali.

Idi Sulemaini: Nii njitagwo Idi Sulemaini na ngoragwo ndiwa constituency Constitution Committee, assistant secretary.

Hezron Gikang'a: Nii njitagwo Hezron Gikang'a ni nii secretary.

Margaret Nyathogora: Nii njitagwo Margaret Nyathogora na nii vice chairperson.

Andrew Githinji: Njitagwo Andrew Githinji wa Muiruri na nii ngoragwo ndi Chairman thiini wa Nyeri Constitutional Review Commission.

Mugo Nyumu: Okey. Asanteni sana. Hari andu angi twinao haha mbere. Onao ningumahe kamweke o mundu egwete, na atuire thiini wa Constitutional Review akoragwo arugamiriire na njira iriku.

Councillor Waithanje: Muriega andu a Nyeri, nii njitagwo Councillor Waithanje na thuritwo ndi delegate ndugamiriire Nyeri. Tuathurirwo na muthuri uyu na mutumia uyu. Nyumite Othaya, ngoragwo Nyeri county council.

Dominic Wang'ombe: Andu a Nyeri muriega inyuothe. Nii njitagwo Dominic Wang'ombe na gwitu no haha Karia hakuhi na Ruring'u, na ndi umwe wa aria mathurirwo delegates a National Constitutional Conference ya Katiba.

Margaret Nyathogora: O ringi njitagwo Margaret Nyathogora na ni nda mugeithia inyuothe. Ni nii ndacagurirwo ndi representative guthii kuria National Constitutional Conference na ndi mwarimu. Thank you.

Mugo Nyumu: Asante sana. Aria turi nao megutetiithiriria umuthi. Nimurona muiritu uri haria etagwo Grace Gitu, na niwe ugukorwo aki-record thiini wa cassette. Na twina muiritu ungi haha ugwito Wairimu Miki nake niku-record eku-record all the proceedings cia muthenya wa umuthi. Riu tondu mahinda nimathiangite. Twina mwarimu witu wa umuthi ambaye ni Commissioner thiini wa Constitutional Review Commission. Nio mathondekire draft ino, kuringana na uria tuamerire na umuthi ni muthenya wake. Kwoguo niwe nguhe kamueke gaka, nigetha atuarithie programme ya umuthi. Asanteni sana.

Com. Muigai: Muriega andu a Nyeri. Wa mbere tukuenda gucokia ngatho muno tondu nimuatuumukira guku na niundu wa wira mwega uria murutite wa kunyita mbaru wira wa Katiba. Itanambiriria, nigetha tuthome draft, ningwenda kumurirkania maundu meri. Undu wa mbere ni ati riu ni hindi tukinyite muthia wa wira uria twambiriire na inyui riria tuokire guku na tukinyitanira na andu a kanitha na mawakiri ma guku na aarimu na andu aria angi. Tukiruta wira wa githomo kia watho uyu wa Katiba na nikipio civic education.

Thutha ucio tugicoka tugiuka ringi na tugithiururuka ma constituency mothe tugithikiriria maundu maria muatuirire inyui muonete magiriire kurorwo na mangi gucenjio thiini wa Katiba. Riu haria tukinyite riu, tukinyite haria nimuronire na ngwihoka nimuaheo kana akorwo mutihetwo ni mukuheo copy iria iroimire turamita draft. Na he riboti yayo na riboti iria nene ni nene muno ni ya volume ithathatu. Na copy ciayo niikurehwo nigetha ikorwo I wabici cia muthuri uria coordinator ugwitwo Mugo. Na nigetha aria anyu mungienda guciona, muthii muone riboti iyo. Kindu kiria kingi nituamuirire ati maundu maria muaririe, na makioywo na kameme karia na makiandikwo ni aria mandikaga nitukamucokeria nigetha muthome na murore muge kana ni mo maundu maria muoigire. Na riboti iyo yanyu riu niyo ino niyoka, guku Nyeri tuthondeke ithathatu kuringana na constituency cia guku, na nii inyui a muthia kunyita yanyu no tikuga niyo njega, ngwiciria niyo njega makiria.

Ino niyo riboti ya Nyeri town constituency na niyandikitwo maundu maria mothe muoigire na maoni maria mothe muarutire megie Katiba ino. Na nitukumitiga na nigetha na inyui mugie na mukeke wa kumirora na kurora kana ni iroiga maundu kuringana na uria inyui muoigite. Undu uria ungi nikuga ati; twarikia wira wa umuthi na wira wa umuthi nituaririe draft iria twinayo. Nigetha ngeria hanini muno kwa matemo tu gutariria maundu maria tuandikire na gutariria kiria giatumire tumandike uguo. Na gutariria kiria giatumire maundu mamwe maria muatwirire tuage kuandika na mangi maria muatuirire tutikandike tukiandika. Hau nonginya ndimutaririe nigetha mumenye uria honekire.

Twarikia wira uyu wa umuthi, nituguthii stage ya muthia ya wira uyu wa Constitution na niyo iria murathoma ngathetini. Aria muonire ngatheti ya Standard umuthi, nimuonire nihandikitwo maritwa ma andu aria magoka Bomas of Kenya mweri mirongo iri na inyanya mweri uyu. Na tukuegereria ati wira ucio nourutwo na mweri mugima kana unyihie mweri mugima. Kwoguo tubangite national conference kuma mweri mirongo iri na inyanya uyu kinya mweri mirongo iri na inyanya uyu turorete. Andu aria meguka kuu ndimuririkanie, ni andu magana matandatu ma mirongo iri na atatu. Aria gikundi kia mbere nikia Abunge othe kwoguo andu magana meri na ikumi a national conference megukorwo moimite Bunge. Andu aria angi meguthii kuo ni Commissioners na ningumuririkania Commission ina andu mirongo iri na kenda no Commission ndigathii conference ithiite ta delegates aria kungitwo kura nomahure. Commission igathii national conference iya guteithia wira wa conference.

Andu aria angi meguka kuo ni andu aria matumitwo ni ciamu cia uteti na mwathoma list ya umuthi nimukuona wa mbere ni mukuamba mumake ati Kenya gwi ciamu nyingi muno cia ateti, mirongo ina na ithathatu. Ngwiciria o mundu e kiamu. Na o kiamu o kiamu nigigutuma mundu umwe umwe, nao moke. Aria angi niaria matumitwo ni makanitha na mithigiti na ndini iria ingi nao ni andu ta ikumi uguo. Aria angi ni aria matumitwo ni ciamu cia aarimu, na aruti a wira na mawakiri na marigitari na aria angi. Kinya andu acio othe makahinga andu magana matandatu. Riu wira uria munene utigarite ni kuga ni wira uria tukaruta hindi iyo ya conference. Mutumia uyu ugwitwo Margaret na athuri aya eri, nio mathuritwo guku Nyeri makarugamirire district ya Nyeri kuu conference. Na undu uria ungi tungika wa bata umuthi ni tumatume na maundu maria tungienda magakindirwo kana magacenjio, kana makororwo ringi ni conference. Nigetha makinya kuo nomahote kuuga, andu a Nyeri nimaroririe kiuria undu wigie una na una. Twarikia wira wa national conference, Ngai atongoretie wira ucio ungirika mweri uyu turorete, ni kuuga

Constitution hindi iyo igukorwo I tayari na ituarwo Parliament nigetha Parliament ihitukie.

Uria watho wa gucenjia Constitution ino wandikirwo. Wandikitwo ati; Parliament ndiagiriire ni guthii gucenjia maundu. Twoima thiini wa conference, Parliament yagiriirwo o kuhitukia maundu mau hatari na gucenjia. Na kwoguo nio ithui nituroiga maita maingi ati korwo ni ithui turio, wira uyu no turikie tutanakinya thigukuu ya Jamhuri day. Hau riu nituehera. Ke tuthii hangi tutanoka ibukuini. Aria murathomire draft ino na aria murathii na mbere na guthoma nimuronire ati ni kundu kuingi draft itararingana na maundu maria inyui muoigite. Na ngeceria ni wega ndimuriranie gitumi kia uguo. He itumi nyingi no igiri nicio cia bata muno. Kia mbere ni tondu bururi uyu wa Kenya wina nduriri mirongo ina na igiri.

Kwina ndini makiria ya ithano. Kwina ruruka rwa Athungu, rua Ahindi, rua Arabu, rua andu airu na angi mekuu gatagatiini. Na niwega kwoguo muririkanage ati maundu maria ithui tugite ona angikorwo nituonire me ma bata muno. Ti andu othe metikanirie namo. Na he maundu ithui tuoigire tugithii kundu kungi maundu mau magikarario. Na he kundu kungi maundu maria moigire riria tuamarehire guku ri, na inyui mugikararia. Undu uyu wa kwandika Katiba ni undu wa guthii tugiethaga wuiguithanio wa andu. Tunguuga andu aya nio mekuhotana undu ini ucio kana andu aria angi nio mekuhotana undu ini ucio, ndingiandikika. Na kwi maundu maingi kwa muhiano. Ta riu riria tuokire guku inyui nimuoigire mutikwenda majimbo, mukwenda bururi wa Kenya uture wi bururi umwe na ndukagayano. Na nituathire kundu kuingi muno andu aingi muno, moigire mekwenda majimbo na matiri kindu kingi mekwenda na Katiba nguru ndiri na majimbo matikumienda. Ucio riu ni muhiano umwe.

Riria tuokire guku inyui muatuirire kwina njohi irarugwo guku miciini na town na kuria kungi na njohi iyo niithukitie miikarire ya andu, niitete andu maitho. Aria angi ikoraga, aria angi ikagiria mahote wira ona wa kurugamirira micii yao. Na ni kundu kuingi muno turathire Kenya yothe andu aingi, athuri na atumia moigire mutikaingirire wira wa njohi ucio, tiguu wira wanyu. Twathire Mombasa tukirwo guku mnazi ni njohi njega na ni ya bata na ni ya tene. Tugithii Kisumu makiuga njohi itagwo chang'aa, ni njohi ya muthini anyuage riria arikia wira wake na ndiagiriire kuingirirwo; na riria tuathire na guku Kakamega nakuo makiuga kwi njohi yao itagwo busaa na ndiagiriire kuingirirwo.

Riu ni hinya muno andu othe makenio ni undu umwe, na nio maundu maria me haha riu ni maundu maria tugeretie kuiganania tukona andu othe nomaiguithanie. Na undu uria ungi ngwenda kugweta wa muthia nigetha turikie hau. Ni ati ningwena kumurirania ati Constitution nituaiguithanirie. Constitution ihana itugi iria ciakaga nyumba. No Constitution tiyo ndirica na tiyo mirango na tiyo indo iria ingi tuikiraga nyumba. Ni itugi iria irugamagirira nyumba. Ungirora turandikire ibungo magana meri ma mirongo kenda na kenda, na nituagiriire kuongerera kimwe ihinge matatu nigetha ciagirire.

Ungirora ibungo icio magana meri ma mirongo kenda na kenda, ni ukuona igeretie guetha undu uria muritu, undu uria wa bata. Gitugi kiria gia kurugamirira no Katiba ndiandikagwo undu wothe thiini woguo tondu na nimui uguo nituri mawatho ma Kenya na nimo twitaga laws of Kenya. Na mawatho mau nimo mathiaga marugamiriire maundu maria mangi ma bata Constitution ikoragwo yugite nomoneke. Nituge kwa muhiano, mundu Constitution noyuge ati; mundu Mukenya ena rutha rua kugura

mugunda handu hothe haria angienda kugura Kenya. Ucio ni muti wa mbere. Muti wa keru ati ndakitunywo mugunda ucio ni mundu ona u tiga thirikari ya Kenya nayo niimuitirie mugunda ucio nigetha ihuthire na maundu ma muingi. Ta guaka bara, ta guaka thibitari, ta gwaka cukuru kana gwaka kiria kingi. Na ona hindi iyo ingimuitia mugunda wake no nginya imurihe na imurihe na rua na mbeba icio ikorwo ciganite thogora wa mugunda ucio.

Riu kiu nikio gitugi kiria gi Katiba ini. Nikio gitugi kiria giakurugamirira mundu na mugunda wake, no watho uria ugaga uria mundu aheagwo tite ya mugunda ucio, na uria kungioneka tite ya mugunda ucio ingiura, na uria kungioneka angihatikwo muhaka wake ni mundu, watho ucio nduri thii wa Katiba, wiku? Wi laws of Kenya. Nituaiguithania? Na kwoguo mutikarore maundu haha murie atiriri, niki kigiritie mandike una na una. Ni tondu maundu maria maingi muoigire ma bata matire haha ni maria mekuandikwo laws of Kenya, makuhe Katiba hinya. Na ngwiciria nituaiguithania hau.

Riu nitutonye thiiini wa document turore uria ikuga. Katiba itu ya tene ndiari na muoroto wa kuuga bururi witu ni wa muthemba uriku na urorete ku na gitumi kianderwo ati maundu mau turaria nimekumemerekio ni KBC na andu aria aingi mamithikagiriria matiui Gikuyu. Kwoguo nonjarie na Githungu kana na Githweri ndagika cigana una, nigetha mone undu wa kuga na ithui tucoke tuthii na mbere na wira witu. Niwega uguo?

First, the most important and innovative change that we have made in this draft, is the declaration in the preamble about the nature of the society that we envisage for this Country and the kind of Country that we wish to see in place. You will recall that under the old Constitution, there was no preamble. The old Constitution declared Kenya to be an independent sovereign republic. In this preamble, we have sought to capture the essence of what it means to be Kenyans and we hope it will mean to be a Kenyan in another fifty and a hundred years. The first principle is the principle of the indivisibility of the nation of Kenya. When we visited you in the constituencies, you expressed the strong wish that Kenya should always be made, one single and united Country. That Kenya should not be balkanized or sub-divided in any way but must be retained for our children and their children and their children is children in the form that we received it from the founding fathers. We have captured that in the preamble.

The other thing that we have sought to capture in the preamble, is the essence of this Country as a democracy. That is to say a Country based on the sovereign will of the Kenyan people expressed regularly through a voting system that is free and fair. The other principle is the principle of social justice, that Kenya should evolve and remain a society that is caring, that is compassionate that addresses the needs of the weaker members of the society. Those who are vulnerable because they lack resources. They are vulnerable because they are young or they are old or they are sick or otherwise. Finally, the other principle is the principle of the rule of law, Kenya should remain a Country governed by law in which all those persons who exercise public power do so under law in which the legal process takes precedence over all other forms of social expression.

Niuguo nitugucoka riu kwaria na Gikuyu tondu nituarikia uhoro ucio wa Githungu. Ngucokera o hanini njuge ati Katiba ino njeru

turathondikire handu haha tureta preamble na nikio kionereria kia bururi witu uria tungienda wuikare na turoiga he maundu matatu ma bata. Undu wa mbere ni democracia nigetha bururi uyu wathagwo ni andu aria mathuritwo ni muingi. Undu wa keru turoiga niundu wa watho nigetha andu aria mariathanaga bururi uyu magakorwo makirumirira watho wa Kenya na watho wa Katiba. Undu wa gatatu ni undu wa kurugamirira kihoto kia muingi na nigetha bururi wa Kenya andu aria athini, andu aria aruaru, ciana, andu aria akuru na andu aria othe matangihota kwirugamirira, makarugamirirwo ni kihoto gia thirikari iria iriathanaga bururi uyu. Na niyo uhoro uria tuheanite gwa preamble. Thutha ucio nituracokire turongerera hinya watho uria ugite ati Katiba nio watho uria munene gukira mawatho maria mangi mothe na ati gutikanagie mundu kana wabici ingikorwo ikiruta wira utaringanite na Katiba na niyo na Githungu tuitaga, 'the supremacy of the Constitution.' Undu ucio turawikirire hinya tondu riria tuathiururukaga guku tukiaria na inyui nimuatuirire ati kwi hindi kwiragwo ati; thirikariini ya Kenya kuri andu me iguru ria watho. Na mukiuga mutingienda Katiba njeru igetikiria mundu kana wabici iriku ikorwo I iguru ria watho. Na uhoro ucio turauhe hinya.

Undu uria ungi turoigire ni ati nitukwenda, muoigire bendera iria yarehire wiyathi na rwimbo ruria rwa wiyathi na maruri mothe ma bururi wa Kenya matikanacenjio ringi. Maikare uguo mahana na mekirwo Katiba ini na menjerwo hau, nigetha maundu mau mature maririkanagwo na niguu turekirire. Hau nimukuona Article 11. Na ikumi na ithatu niyo muatuirire nikuagiire thigukuu nyingi na thigukuu icio ciothe tikuga nikuagiriire gukorwo ciiho. Na mukiuga cinyihio itigare thiku igiri kana ithatu. Na niguu turoigire mungirora hau ikumi na ithatu, turoigire thigukuu ya Madaraka day, io ingi turoiga Jamhuri day. Na nituiguite maundu maingi guku ta riu riria ithui tukoretwo timu ino itu twi guku Nyeri na aria angi me kuria kungi nao nomaraigua. Andu aingi nimoigite tuikire thigukuu ingi ya andu aria maruiire wiyathi tene, ona aria marathii na mbere na kuruiria riu; na ucio ni undu umwe hihi andu aya aria mugutuma delegates conference nimeguthii na uhoro ucio.

Riu turarora namba ikumi na ithathatu. Twi kibungo gia ikumi na ithathatu aria menayo na turarora uhoro wa citizenship. He maundu meri turathondekire thiini wa citizenship. Undu wa mbere ni ati; Katiba iria ya tene ndiretikiritie airitu, riria muiritu ahika, akahikio ni mundu utari wa Kenya. Ndiretikiritie muiritu ucio ciana ciake ikorwo iri citizens cia Kenya. Na riria tuamuririe ciuria uria mungienda tuike, andu aingi nimoigire uguo gutiagiriire. Kuagiriire uria mwanake...hinya uria ekuheo ni watho ona muiritu akaneo ta ucio. Riu niturathondekire turoiga na handu hau hakiri na thina makiria tondu muiritu wa Kenya angirahikirio ni Muganda macoke moke maikare guku Kenya, riu ciana ciake ti ciana cia Kenya. Angigicoka ate muthuri wake, riu ndiui thiku ici kuiragwo nituge mateane. Mangicoka mateane, ciana igutigwo hau gatagatiini. Na nikio turoigire undu ucio uthondekwo. Mundu wothe uciaritwo ni muciaru mu Kenya, mundu ucio ni Mukenya.

Undu uria ungi urari wa andu aria mathiaga Ruraya na amwe mathiaga guthoma, no ithui tumatumaga. Aria angi mathiite guthukuma. Magathii makaheo mawira ma guikara mabururi mau mari. Watho wa tene uroigite ati uguthii uguo niugutunywo citizenship yaku ya bururi wa Kenya angikorwo ni woya citizenship ya bururi ungi. Tondu bururi wa Kenya nduratiite ati mundu no akorwo e citizen wa mabururi meri. Na riu nituracenjirie turoiga, mundu uheto marua ma bururi ungi, niagie na meri tondu ithui tutiri hathara turathii. Na andu aria aingi nimui, kuma na micii nimui andu aria aingi mathiite Ruraya na makagia na marua

ma kuruta wira kuu na gutura. Niguteithia marateithia bururi uyu. Naithi tiguu? Nio matumaga mbeba guku, na riria tuekaga research ya uhoro uyu nituamakire ni kumenya ati bururi ta Phillipines, bururi umwe ni Phillipines, bururi uria ungi ni Misri. Mabururi mau meri matuirio ni mbeba iria itumagwo mucii ni andu aria mathiite guthukuma mabururi mangi.

Na kwoguo tukona ona bururi ta uyu witu mawira magire muno, korwo notuhote andu tumomiririe uria mangithii na matigate citizenship, tukona niwega na niguo turekirire hau. Na no guthii turathii riu turorete, Chapter Five, iria itagwo na Githweri haki za kibinadamu. Ici ni haki cia mundu o wotho wi thi ino. Wi bururi uyu. Na ino Chapter ni ya bata muno na nondimurie muainuka, mumicokere wega, mumithome wega tondu ona mungithoma hau iguru nimukuona niyugite ati this Bill of right is the foundation stone. Nikuga riri nirio ihiga riria ria corner. Tondu nikuga bururi uria utatiite andu ake, bururi ucio naguo nduitie na ndungitiikana. Na haha he maundu maingi na tutingiona mathaa maguthii tuaririe maundu mau mothe me hau. Nouria tui, undu uria tui maundu mau mothe nikuga ni mabata.

Ningwenda mure, thirty-five tuanjiririe hau kana twanjie thirty-two. Hari undu hau thirty two na nonyende gutariria hanini. No uria turageria kuuga ni ati hukumu ya kifo iondolewe. Uhoro wa andu gutwo weherio na undu ucio naguo no undu tutinawandika tutambite gwiciria muno na gutuiria muno na gwika research. Turona ati thiini wa Kenya, waganu uria wigie kuraga andu kana nimagitunywo mbeba kana ni umaramari wa kuraga andu kana ni magika maundu maria mangi. Tukona uthiite ukiongererekaga na ati gitumi gia kuuga ati kwina watho wa mundu gutuirwo akue nduteithitie. Na nima research igutuonia ati andu aria aingi aganu ni aria meciragia morage mundu kana hindi iyo makiya. Nigetha thutha ini matikanatuarwo igotiini atuike niamenyeka. Ucio ni muti wa mbere.

Muti wa keru riria tuatuiririe, tugikora Kenya gutiri mundu uri wanyongwo kuuma 1983, maturaga njera mahana mugagaca. Mahingiirwo ta nyamu cia githaka. Mundu akanina miaka ikumi, ikumi na itano, mirongo iri, ahingiirwo kanyumba na ndoimaga. Tugecira ithui thutha wa gutuiria maundu mau mothe, uhoro uyu wa kuraga andu weherio, nigetha mundu ohagwo maisha make mothe kuu njera iyo, na nigetha kuu njera thiini ohwo arute wira uria ungitheithia muingi wa Kenya. Riu ni inyui muguiciria uhoro ucio. Uguo ithui nituronire na gwi kundu kuingi muatuirire niguo mukwenda na kuri o kundu kuingi andu matuirire andu nimathii na mbere na kuragwo. Tondu nao andu hindi iyo matioi ati andu matiuragagwo, no kuohwo mohagwo na cabi igateo. Nitugucoka hau.

Nituthii uhoro wa atumia thirty five, turoigire maundu mothe maria, watho wotho wa Kenya ndukanetikirie atumia gukorwo matiraheo wiyathi uria uheto arume. Na hau ndiguiciria he undu ukwenda kuongererwo. Murore hau mbere ningi nituroigire uhoro wa andu aria akuru na thutha ucio uhoro wa ciana, na thutha ucio uhoro wa andu aria mena wonje wa muthemba uriku. Riu twi thirty nine no guthii turathii. Thutha ucio turaria uhoro wa maundu maria tukoragwo namo nimotuitaga haki za kisiasa. maundu ma mundu gukorwo e kiana ini kiria ikwenda, guthii mucemania uria ekwenda. Kwaria na andu aria ekwenda, na kuingira demonstration iria ekwenda na maundu mau mothe meho. Riu ingienda tucoko tuthii kinya haha fifty seven. He uhoro wa thibitari na ndwari na githomo na nyumba na mai na irio. Na he handu ngwenda kugweta hau hegie health, fifty seven. Nindiraguire andu aingi makiuga ati, handu hau handikitwo na Githungu ni nguhathoma. Ati 'every person has the right to health,

which includes the right to health care services including reproductive health care.’ Na nindiraiguire andu angĩ moiga ati uguo nikuga ati atumia nimaritikagirio kuruta mahu. Tathomai andu aria moi Githungu munjire atiriri, ni ha hau hoigite uguo. Reproductive health care nikuga ati, ithui tukiandika tuandikite nikuga ati; kana ni muthuri kana ni mutumia, maundu maria mothe mangienda kumenya na mangienda guteithio namo ma kiurigitari megie kugia ciana ciao na gucirera; na maundu ma muthemba ucio nimagiriire gukorwo meho. No hatiri handu na uhoro ucio wa abortion nituaririe, maundu maria mutarona haha tikuga mutiaririe. Tuaririe maundu maingi muno, mamwe maritu muno na tukimaregera mamwe kuraya muno na nondimumiririe ati haha hatiri undu wa muthemba ta ucio.

Kuuma hau undu uria ingienda kuuga wigie niundu wigie maundu mangi meri nigetha tuthii na mbere. Undu wa mbere ni wa andu aria me njera na mutigakimake muge atiriri, kai Katiba ino irandikagirwo andu aria maranyongwo na aria me njera? Uu nikuga ati bururi umenyekaga ati ni bururi wa ma na ni bururi wa kihoto ungirora uria bururi ucio wikaga na andu aria ohe na andu aria aruaru na andu aria athuku mutwe na andu aria athini. Ungikona bururi ukuremwo ni kurora andu acio, umenye ona maundu maria mangi, bururi ucio ndungihota kurora. Tuoigire njera cia bururi wa Kenya ciatuikire kundu andu mohagwo magathii gukua. Tondū gutiri irio, gutiri ndawa, gutiri gwa gukoma. Gutiri ona kundu mundu angika mathako. Na uguo tiguu bata wa kuoha mundu. Mundu ndohagwo nigetha akue. Mundu ohagwo nigetha akerire mehia make acoke oime njera oke arute wira wa bururi. Na kwoguo niturandikire hau ati miikarire ya njera, irio iria irario kundu kuu, na miikarire ya andu aria me njera ithondekwo nigetha magacoka miciini kwao mundu acenjetie, na agacoka guthii guteithia family yake na gwiteithia we mwenyewe.

Undu uria ungi hau ngwenda kurikia naguo, ni andu aria athitange macira magoitiini. Nimuatuirire ati maita maingi guku magotiini, mundu utari na wakiri niohagwo ona atari aramenya cira uria ukumutuarite uma waki. Na uria turageririe gwika niguthondeka wabici ya mundu uretwo wakiri wa muingi. Wakili wa walioshtakiwa. Wakiri wa muingi, na Githungu niwe uretwo public defender na wira wa wakiri uyu wa muingi ni guciririra muingi maciraini mao mothe. Ati mundu wothe utari na wakiri wake ni eguthii wabici ya wakiri uyu wa muingi, na wakiri ucio agathii kumurugamirira. Riria mutaratatara uyu uriagira, to muhaka wakiri uyu wa muingi akorwo na wabici magoti mothe ma Kenya. No nikuamura ekuamura mawakiri maria mekuo o town o town, na akamahe wira wa gucirira muingi nake akamariha o uria mangiciririire andu aria mangimarihire. Na nigetha gutikanathii mundu igotiini oige, nii ndinamenya cira wakwa uma waki, tondu ona hatiuma wakiri na hatiri mundu ui uria njirirwo.

Riu tuume hau tucoke tuthii mwena wa ciana cia uteti. Riu twi kwi political parties. Undu uria umwe mwatuirire tuike, nimuatuirire...uria ngumuiraga ni gwi ciana mirongo ina na ithathatu, na o kiana kiu ki mwene. Gutiri kiana gitari mwene. Ungithii kwihutiriria kiana kiu wamaka ni uria mwene angiguthukira. Riu turona uria ciana ciagiriire guthii, ti twambiririe na kuga ati niciaingatwo ciothe. Ni watho turathondekire wa kuuga ati, undu wa mbere Electoral Commission niyo irirugamagirira ciana ciothe. He mundu ugwitwo registrar of political parties. Msajili wa vyama vya siasa. Arikoragwo ari wabici ya electoral commission. Acoke agie na watho wake wa kuuga o kiana o kiana. Maundu maria gikwenda guika. Angikorwo ni gikuenda guthii na mbere gukorwo ki register ini ya kiana. Nimwanyita uria turekire. Tutinoiga ciana ithii, turoigire ciambe itonye register

ini no register iyo nigetha ukorwo ugithii na mbere guikara ho, no nginya wike maundu ma muthemba muna.

Undu wa mbere, kiama nonginya gikorwo na member Kenya yothe handu yaruma. Iyo riu ikwamba irie ciama nuthu, tondu nyingi nimui cii mondo ini ya ene cio. Itiri ona member angi. Undu wa keru turoigire ni ati na no inyui muatuirire uguo, ona ciama cia bata muno guku bururiini. Igathii ikahuererekira niundu wa kwaga mbeba. Na kwoguo turoiga ciama iriheagwo mbeba ni thirikari. No ti ciothe. Ti icio mirongo ina na ithathatu. Ni kiama kuringana na andu aria kirugamitie githurano na magathurwo. Ti marugame mahotwo othe magire mbeba Nairobi. Nimarugame na mahotane githurano na mathii thiini wa Parliament. Nikuga angikorwo kiama ta DP kina member nituge igana rimwe thiini wa Parliament, gikuheo mbeba cia kuruta wira wacio kuringana na member acio igana rimwe. Ti moe mbeba mekire mondo member. Ni ino kiama nigetha kiama gicoke miciini githondeke. Ta riu wira uyu turaruta korwo ciama cina mbeba, na ithi ticio ingiraruta wira uyu na niguu turenda kuhane.

Undu uria ungi wigie ciama nituroigire ati ciama rimwe kuri andu mendaga kuragama githurano na matindaga gukorwo me kiamaini. Na Katiba iria yari ya tene ya wiyathi ni yari na haki iyo yakuga mundu noarugame githurano atari na kiama na niwe witagwo independent candidate. Na nituracokirie haki iyo ya mundu kuragama githurano ari independent candidate. Tondu muatuirire gwi kundu kumwe anene a ciama mathiaga makagiria mundu kurugama ona angikorwo mundu niarendwo ni andu. Turakiuga, reke mundu ucio akarugama angikorwo niekwenda. Nituarikia uhoro wa ciama. Undu uria ungi ni uhoro wa Parliament. Parliament nituranyitire turamigayania maita meri. Nigetha kuragia iria tureta Upper House na ingi tureta Lower House. Upper House turamita national council, na Lower House turamita national assembly. Gitumi gia gwika uguo ni tondu niturageririe guetha uria Parliament tungimihe hinya wa kurugamirira maundu.

Kwi hindi muatuirite, kuri andu moigite nituongerere andu aria mekuo nigetha kugie na Parliament ya andu magana matatu. No riria tuanjirie guthondeka indo iria ingi na imwe nitukuaria uhoro wacio riu. Indo ta cia thirikari ya district, ya province na iria ingi. Tukiona no nginya tugie na Upper House nigetha irugamagirire maundu mamwe megie thirikari cia district, na nitukuaria uhoro ucio. No ni twambe turanie atiriri Parliament ino ri igukorwo na andu aigana? Igukorwo na aria tukarogwo nao magana meri na ikumi, iyo ni Lower House. Lower House turacoka turamiongerera andu mirongo kenda; na haha muthikiririe muno riu tondu niho uhoro uri, haha niho hatuite mburi tatha; tondu harerwo ateti maroiga ati; kurathondekirwo iti mirongo kenda cia nomination. Na ati iti icio ti cia nomination. Iti iria turathondekie ni iti ciitagwo na Githungu, proportional representation seats. Uguo ni kuuga atia? Nikuuga atiriri, githurano kiria tuthuranaga bururi uyu witu ni kiria gitagwo single member constituency. Nikuga o constituency o costituency ithuraga mundu umwe. Ona angikorwo constituencies icio itiganaine;

- a) Kuringana na andu aria mekuo.
- b) Kuringana na warie wa costituency.

Ningimuhe ngerekano, constituency iria nene muno Kenya itagwo North Horr. Ihakuhi kuria Ethiopia. Kuuma mwena umwe wa constituency guthii uria ungi ni mairu magana matandatu. Voters othe a constituency iyo riria magomanite othe biu ni ngiri ithano na ni mari mbunge wao umwe. Kuria Mathare constituency, registered voters ni ngiri igana rimwe ria mirongo itano na me mu

member umwe. Guku Tetu ni ngiri mirongo ina. Ungihuthira system iyo niukuona ati andu aria maraingira Legco. Matiganainie miti, nimuona uguo? Na undu wa keru ciama iria irathurwo, kiama nogithurwo na miti minini na kiingihie iti, hau nimwona? Ati kiama nogikorwo. Nituge ta riu kiama kingikorwo kina Bunge kundu gutari na andu aingi no kwina iti, kiama kiu nokiingire Parliament. Wone iti...hari iti rimwe, wone kina iti sixty. No miti yatarwo ri, ukona githuritwo ni miti twenty percent. Twi hamwe na inyui? Wira uyu wa system ya mixed proportional representation ni kugeria kuiganania ciama nigetha mundu uria wi Nyeri town ahura kura yake, agathura mu member na kiama kiria athura na kio. Kiama kiu riria giathii thiini wa Parliament, miti yakio yothe igatarwo. Nigetha o uria kiama kina miti miingi noguo kiretikirio kurehe andu kuma list iria. Kwoguo ti nomination. Hau nimuanyita?

Undu ungi wa keru na wa muthia uhoro ucio ni kuuga ati; kuri andu aingi matari ateti. Wakiri, mwarimu, ndagitari, mubiacara, murimi, muhunja; na andu nomende andu acio mathii Parliament. No andu acio ti ateti na matingihota maundu ma uteti. System iyo itikagiria kiama kuoya andu ta acio gikamekira ki? List ini iyo. Nikuga o matiri constituency, ucio ni undu wa mbere na undu wa keru ni kuuga o matigeke githurano. No kuga riria kiama gikahotana ri, nimakarutwo listini maingire ku? Iyo niyo point iria ingi ya uhoro ucio.

Reke riu njarie uhoro wa national council na niyo iyo tweta Upper Chamber. Upper Chamber igukurwo na andu igana rimwe. Mirongo itatu ni atumia na hau muthikiririe muno. Hau niho turekirire iria itagwo affirmative action. Turoiga in the upper council, out of the hundred seats thirty must be women. Thirty members must be women. Nikuga atumia mena githurano kiao muanya; no ti mathurane mari atumia, ni ithuothe tumathure. Iti icio ingi itigarite mirongo mugwanja, nacio tuthurane na cio icio mirongo mugwanja, tuguthurana ki district. Hau ningwenda muthikirie wega. Ni kuga Upper Chamber I handu irugamiriire district na Nairobi ni district. Ithui andu a Nairobi tukuga ona ithui nitugukurwo na andu. Riu Parliament ya Kenya igukurwo na andu magana mana. Andu magana matatu Lower Chamber na andu igana rimwe Upper Chamber. Gugukurwo MPs magana mana, na hau ni handu hamwe ha haria inyui mwi wananchi nimukwendwo muaririe na nginya tuiguithanie; kinya andu aria turatuma conference mamenye kana andu acio ni aingi muno, kana ni anini muno. Ucio ni undu umwe tungienda kwariria thutha ini.

Undu uria ungi turoigire ni githomo kia MP. MP nituroigire riu agie na githomo kia form four. Turoigire thirikari irathii ikigiaga maundu mena hinya, na nigetha MP akamenya uria kurathii, maundu maria mararirio akorwo ena githomo kia form four. Na angikorwo arenda guthii Upper Chamber ahingie miaka mirongo itatu na itano. Tundu Upper Chamber nayo ireciririo ni kundu kwa...korwo ni tene twamita council of elders. Ni kundu kurendwo andu makorwo mari agima hanini. No Lower Chamber noingire ena miaka twenty one.

He kaundu kangu, he Commission turathondekire na nituguka uhoro wayo iretuo Integrity Commission. Commission iyo niyo yakurora maundu ma ihaki. Muno maundu ma ihaki. Niyo Anti-Corruption Authority, no ina mawira mangi maingi. Undu umwe wayo, ni kurora andu aria othe marendu kuruta wira wa muingi. Kana ni MP, kana ni Judge, kana ni President, kana ni Prime Minister, akarorwo maundu make ma miikarire yake. Na nikuuga ati ona urugamite giti kia MP na wina githomo na wina miaka,

na maundu mau mangi mothe. Nouregwo angikorwo Commission ino yaguuria maundu maku ikore wina mawaganu maku moikaine no uregwo. Twi hamwe na inyui? Nikuga Commission ino kwa muhiano ni iriroraga. Ta riu bururi uyu wa Kenya ni mui indo ciitu ni ciurite muno, indo cia muingi miaka miingi na andu aria aingi marugamaga githurano marugamaga na indo cia muingi iria moyete. Commission ino wira uria ikuruta, Integrity Commission, ni wira wa kurora kana mundu ucio, mutumia kana muthuri kana ona mwanake. Mundu wa twenty one naithi ti mwanake. Kana ni ari waganu wa mthemba uriku kana uriku. Nikuga mu member ndarithuragwo tondu ena mbeba. Angikorwo ni mundu warugamiriire kahua kana macani kana iria, indo cia muingi ikiywo no arege kuhitukio ni kamiti ino na no age guthii Parliament.

Undu uria ungi he mundu uroigire ati; inyui muri wananchi, Katiba ino ndiri undu imuhete hinya. Ndiri ndona na nithomete nyingi cia bururi. Tondu nii ndi muarimu wira wakwa ni gucithoma. Ndanathoma nyingi. Ndiri ndona ihete wananchi hinya ta uyu. Tondu mungithoma hau Article 14, igana ria ikumi na igiri, mwi hau? Yugite ati inyui wananchi nomuite MP uria muthurite. Nomuthondeke petition, mwi thirty percent. Petition yanyu ithii gwi Speaker, Speaker amituare kwa Electoral Commission. Na muge mu member wanyu niorire mucii, ndonekaga na ndarutaga wira uria muamuheire. Kana kuuma muamuthura nimumenyete waganu ungi wake wa kuagania indo cia muingi. Na Speaker era Electoral Commission ike investigation. Gwatuika uhoro ucio ni wa ma, mu member ucio akarutwo na githurano gigeke kiero. Nii munginjuria ndamuiria ucio ni hinya munene muno. Na mu member niariciragia maita maingi muno atanehitha Nairobi ategucokerera andu ake. Gwi kundu kumwe na guku kundu ndikugweta, tondu mundu uria tuathire nake ni murata wakwa, na ni mu member wa miaka ikumi kuo. Kundu na kuu kuraya. Na riria twakinyire nake andu ake moigire, nituacokeria Ngai ngaatho nikumurehe na inyui nituamucokeria ngaatho ni kurehe mundu uyu, tondu twina miaka ikumi tutari tuamuona, na niwe member wa kundu kuu. Riu nimarihotaga gutumana makoiga nimekwenda kumuruta.

Undu uria ungi ni hinya wa President, na turathii turikitie riu. Riria tuathiururukaga guku nimuatuirire ati giti kia President nikirathii rimwe gikaga riri, tondu maundu maria President areka rimwe ni maingi. He rimwe ewika maundu ma kياما, na e munene wa kياما nieguthii akarumana na andu aria angi a cياما iria ingi, na wabici iyo ya President ikaga riri. Riri ringi ni riria e munene wa thirikari, na e munene wa thirikari nieguthii ningi makagucania na ateti aria angi wabici ya President ikaga riri. Riri ringi maundu ma bururi ma bata na manene magakorwo ndarahota kumarora President tondu hibi niathire kuhingura ndunyu kundu, kana kwirorera thigari igithoitha, kana maundu mangi. Undu uria moigire ni ati; wabici iyo ya President, igerie iheo riri uria wagiriire, na yehererio maundu maria matamikonie. Na nikio tureciririe undu wa mbere. Tureciria President tumueherie thiini wa Bunge. Nigetha President ndagathiage Bunge, tondu ona angikorwo Katiba ya tene ituire yugaga President ni Mbunge ndathiaga kuo. Na riria tuathire kundu ta Gatundu na Baringo Central. Andu a kuu matuirire mutino uria munene muno ni andu mangithura MP wao acoke athurwo President. Nimorira, tondu ndari hindi acokaga na ndari undu amateithagia. Tondu ndari kuria Bunge maundu marateterwo. Riu tureciria undu wa mbere, tueherie President Bunge, nigetha o constituency igakorwo ina member wayo.

Undu wa keru, turoiga mundu eguthurwo giti kia President, no nginya ehere iti cia kياما. Nigetha maundu ma kياما na maundu

ma bururi matigathii manyitanite magirie arute wira uria wagiriire. Tondue President eguthurwo ni bururi, naithi tio andu othe. Kinya aria matamuthurire na aria matari a kiama giake, ni wao othe. Turoiga President ndagaikarire giti gia kiama. Undu wa gatatu turoiga thiini wa thirikari, President ehere wira wa ku-manage thirikari na nigetha thirikari I managegwo ni Prime Minsiter na hau niho uhoro uri. Undu andu amwe makoiga atiriri, tondu riu murenda kuga President ndari wira na ndari na hinya. Na ithui tukoiga aca. President uria turenda kumuika nikumuambatiria handu atarikinyagirwo ni ndoro ya ateti no uteti, nigetha agatuika wa kurugamirira bururi wi wothe na urumwe wa andu othe. No President ena hinya muingi. Aria mwina Katiba ta riu nonyende murenda 150 na muikuruke kinya 151, 152. President ena hinya muingi muno. Prime Minister arithuragwo ni President. Ni President urithuraga Prime Minister. President nowe Commander in Chief of the Armed Forces. Niwe Chairman wa defence council. Niwe chairman wa defence council. Niwe chairman wa national security council. Niwe uri appointaga andu othe aria mena mawira, ma Judge, ma Permanent Secretaries, Ambassadors. Anene a Army, abirithi, a kuria kungi guothe.

Thirikari ni thirikari ya President. No President ndarikoragwo ari thiini wa Parliament na kuu nikuo Prime Minister arirutaga wira. Prime Minister we nuu? Prime Minister arithuragwo kuuma he mundu uria wina kiama kiria kina andu aingi thiini wa Legco. Na thirikari yake I na uu? Undu umwe ni inyui muatuirire ni ati; Kenya ni bururi wina Ministry mirongo mugwanja na ni kabururi kanini muno. Assistant Minister o Ministry ni atatu atatu na kumwe ana. Uria turageririe gwika ni kunyihia thirikari nigetha gukorwo kwina Ministry ikumi na ithano peke yake. Na thiini wa thirikari iyo mundu uria wi Parliament na thiiniwa cabinet no Prime Minister na deputy Prime Minister eri. Ni andu atatu. Acio angu othe turoiga mariumaga kuma nja ya Parliament. No ucio ni undu ateti mareganite naguo na ni inyui mugutua. Muatuirire ati; ungiroa thiikari ya Kenya werwo mundu niwe Minister wa undu muna, ni uhuthu ugakora undu ucio ndaui na ndari na bata na kuumenya. Ukaigua mundu niwe munene wa ngirigaca na ndoi uhoro wa uriithio, ndoi uhoro wa kurima. Ungi niwe munene wa githomo, ndoi uhoro wa cukuru, ndoi uhoro wa warimu, ndoi uhoro wa maundu mau. Uria ungi niwe munene wa health. Ndoi uhoro wa marigitari, ndoi uhoro wa ndawa. System iria turageria guthondeka ni ya cabinet yumage kuuma gwi professionals. Nikuuga Prime Minister agathii Kenya yothe handu yaruma akoiga, Minister wa ngirigaca tuamuona Meru na itagwo ng'ania wa ng'ania na ino niyo history yake ya uria oi undu ucio wa ngirigaca. Na mwarimu munene aronekire githumo na ici nicio cukuru iria anarugamirira and so on and so forth. Uguo niguo turoigire. Riu nao ateti ndiui kana nimeguitikira, tondu muteti nake athiaga Parliament nigetha atuike Minister na kwoguo no age gutikira wa kuruha ruhi. Umwe murata wakwa anjuririe, riu inyui murenda ithui turutage wira uriku? Ngimwira korwo nimurutaga uria mwinaguo, ucio ni wira muiganu na ni muingi na no inyui mugugitua tondu ni inyui ene Katiba. Riu nindarikia hau.

Reke thii haria hangi na ni magotiini. Magotiini nimuatuirire maundu maigana una. Undu wa mbere mwatuirire magoti rimwe nimaraihiririe kuria maikaraga na undu wa keru procedure ya magoti rimwe ina hinya. Tondue mukoiga rimwe mundu ni mubiacara munini. Ena tunyumba twake tutatu kana tuna handu akite. Arega kurihwo ni andu aria akomborithitie, no athire ethe wakiri nake wakiri a file maratathi namo maratathi mathii igotiini. Mature, meterere kinya andu acio ringi nimorire nyumba. Na mukiuga guethwo undu magoti mangiuka hakuhi na andu na makorwo ni magoti meguthikiriria cira narua matekurihia mbeba nyingi. Turoiga tuthondeke igoti na nimo magoti tureta local tribunals. He magoti meguka hakuhi na andu megwitwo local

tribunals na nimekugeria gucira tumacira turia tungirikio narua kuria andu maikaraga. Ucio ni undu wa mbere. Undu wa keru, nimuatuirire ati, ni kuagiriire kugia na constitutional court ya kurugamirira Katiba. Tonduni andu aingi matuirire Katiba iria ya tene kundu kuingi yathukiirio igotiini. Tonduni ona magoti nimakinyire kundu makianjia kuga uria Katiba iroiga na ithui tuarora tukona tiguu iroiga. Na ithi tiguu muatuirire?

Kumwe twathire tukirwo igoti riroiga Anti-Corruption Authority ti njega na mwananchi arora Katiba akona ndiri handu Katiba igiritie Anti-Corruption Authority tiga ikorirwo igoti riu either ritiui uria rireka kana rina waganu wario. Turoigire guthondekwo igoti riretwe Supreme Court nigetha igoti riu rithurwo andu, athuri na atumia mekuhota kurugamirira Katiba na nigetha thina uria wothe turite tukigerie guthondeka Katiba ino ndukanatuike wa bure. Katiba ino ikinyite igotiini muthenya umwe tukerwo ni irateirwo tonduni igoti rirecirire undu wa muthemba.

Undu uria ungi wa muthia nimuatuirire ati muarora magoti maitu, nimuragia na nganja uhoro wa andu aria maratua macira. Mukoiga, mugituiria ati, mwarora nimukuona ta kuri andu mathuritwo, ti tonduni wa umenyo wa wira wake no niundu wa uteti na mundu ucio atua cira agatiga andu aria othe meguciraga cira ucio mamakite. Tonduni andu nimekuona watho uria arahuthira ndaraumenya. Wuiria uria uheanirwo ndanawuigua. Kana angorwo naiugiire ndanaunyita. Na muroiga nikuagiriire Judiciary yothe ya Kenya, ma Judge mothe ma Kenya marorwo o mundu o mundu uria atonyete wira ini ucio. Na mundu uraruta wira wake wega wina githomo kiria kiagiriire, wirutiire gutungata muingi, mundu ucio niagiriire kuingirirwo. Na niguo Katiba ino iroiga. Ati mundu wothe ui wira wake na uurutaga wega na atiite muingi na atiite watho ambe aigwo mwena umwe.

Igacoka ikoiga mundu wothe wina ucuke, wanathitangwo wanateterwo ni muingi agatuika ena mawaganu make, mundu ucio ndakarekererio ambe athuthurio. Tonduni watho wa Kenya wa tene ugite Judge akoima wabici yake ahingia miaka mirongo mirongo mugwanja na ina. Na inyui mukiuga iyo ni ya ingiha. Angikorwo ni mwaganu ri na ena miaka mirongo itano, to akigere ngero muno. Riu mugituiria, miaka iyo undu wa mbere yambe inyihio. Tonduni arimu na marigitari, na andu aria angi maroima wira mundu ena miaka mirongo itano na itano. Ma Judge acio nituakimongerera hanini mahingie itandatu na itano, no iyo ya mirongo mugwanja na ina ni miingi muno

Undu uria ungi muatuirire ni ati; andu aria othe marirutaga wira wa muingi Kenya kuuma President gucoka na thi, mundu no nginya akaheana marua, o mwaka o mwaka makuonania indo iria enacio na kuri acirutire. Riu mundu wina kagombe gake na mburi yake, ena thina agikiuga kuria arutire. Na nituroigire ona Ma Judge ri tonduni bururi ti wao ni wananchi onao nonginya.... Judge uria uguthii gwi Commission iyo, etio maratathi mothe makuonania mbathi ciothe cia guthii Githumo ni ciake. Nyumba ciothe iria ikomboragwo Buruburu ni ciake. Commission ni ikamuria wacirutire ku. Na uria ugutariria na uria aratariria kwage kuiganira, wira wake niuguthirira oro hau.

Nimuananyita riu tonduni nimurathoma maundu ngathetini mukarigwo ngucanirio ino yumite ku. Yumite hau. Commission ndiri mundu yorotete na kara ikoiga Kamau wa Njoroge atunywo wira. Kana ikoiga Mutiso kana Ouma kana uria ungi atunywo

wira. Yugite wira wothe wa muingi na Judge ni wira wa muingi ndukarutwo ni mundu utarahituka kigerio giki na giki na giki na kiu. Na nicio ndamuirira. He undu ndamuirira muona tuagiriire kuruta. He undu tukuruta? Kwi hindi Judge utari na githomo agiriire gukorwo ekuo. Wiritwo ni aroya mbeba cia ihaki ri niagiriire ni gukorwo eho?Aca. Mundu utararoka wira na ndari hindi arandika judgement ri niagiriire gukorwo ho. Mundu wina indo itaramenyeka kuria cioimire niagiriire gukorwo ho? Njirai iria tukuruta hau tondu icionocio tuandikite. Tutigithii na mbere, tuarikia uhoro ucio. Ukuria tuarikia.

Riu ngwenda kwaria hanini uhoro wa migunda. Hanini muno. Riu nigetha tuthii thirikari ya district riu turikie. Uhoro wa migunda ri, ni example imwe njega ya uria tukugaga ati ni hinya maundu mamwe mandikwo Katiba ini tondu maundu nima laws of Kenya. Migunda ni imwe ya uhoro ucio na ungirora haha niukuona Chapter eleven, gicunji two hundred and thirty two niho uhoro uri wa migunda na uria tugeretie gwika haha ni kurugamirira haki ya mundu na migunda yake. Mundu akarugamirirwo haki ya migunda wake. Ucio niguu muti wa mbere.

Muti wa keru tukarugamirira haki ya mihiriga na muingi wi wothe. Migunda iria iratuire yoyetwo ni Commissioner of Land. Turathomaga rimwe, amwe andu aria a gatene hanini nimoi, tene town ciothe nituari mbirira iria tuathikaga andu na turakinyire handu, wagera hau ugakorwo ni harakwo mukawa tondu nicianeniirwo Nairobi na kundu kungi. Na maundu mau nimuatetire uhoro wamo na uria turekire riu turathondekire Commission iretwe National Land Commission nigetha Commissioner of Lands ndakanagie wira wa kuheana migunda ndari migunda. Migunda ni ya andu. Migunda ni ya muingi. Uguo niguu turatuire handu hau.

Undu wa muthia ngwenda riu tucoke undu wigie uria thirikari ibangitwo na ngwenda mureore two hundred and twenty. Thirikari ya Kenya riu igukorwo ibangitwo ta uu; thirikari nene niyo Government of the Republic of Kenya I Nairobi na Nairobi nituramikirire Katiba ini ati niyo town nene ya Kenya nigetha ndikanacenjio. Thirikari ya keru I district. Na hau muthikirire muno tondu niho uhoro wothe uri. Thirikari iria ina hinya riu igukorwo I district. Na niyo iretwe district Government. Thirikari iyo ri igukorwo na ma Councillors nio marituaga watho wa district, matanyihire mirongo iri na matakirite mirongo itatu. Nituge twenty Councillors. Na thirikari iyo ya district iriathanagwo ni mundu uretwe district administrator na nii ndimuitaga district governor. Mundu ucio ni mundu wina hinya muingi muno tondu district governor ahana Prime Minister no ni wa district. Nikuga muti wa mbere ena Parliament yake na anga irigicemanagia guku turi. District Administrator ena Parliament yake na niyo ina Councillors matanyihire mirongo iri na matakirite mirongo itatu. Ucio ni muti wa mbere.

Muti wa keru ena ma Minister make guku thiini wa district. Ona akorwo matiretwe Minister, maretwo Chief officers. Nikuga ena mundu wa kurugamirira thibitari, wa kurugamirira cukuru, wa kurugamirira miako yothe. Wa kurugamirira ngirigaca, wa kurugamirira maundu ma ciana na maundu mau mothe. Nikuga ati district administrator ni mundu wina thirikari yake complete na athuritwo ni muingi wa district. Nii korwo ndi muteti giti kiria ingienda ni giki kia district administrator. Tondu e gucoka tumuhe hinya na kanju yake mathondekaga watho wa district. Na niho haria tuaririe tukiambirira tuoiga atiriri; he maundu maingi tutanahota gukura Constitution ini tondu andu matinamaiguthania. Ta riu guku Nyeri district tungienda kunina njohi iria irarugirwo micii. Watho ucio ukuma ku? Ukuma Parliament ya district. Tungiuga irabu itiriheagwo licence hakuhi na maturaini kuria andu

marakoma watho ucio ukuma ku? Na wira ucio wothe wa kurugamirira ni wa district administrator. Kwoguo giti giki kia district administrator gitukanitie na ino ni point ya bata muno.

Wira uria wari wa DC na wira uria urari wa chairman wa county council ugukorwo wi wa uu? Tondū riria Katiba ino ikanjia kuruta wira, wira wa Chief na Headmen na DO na DC na PC ugathira muthenya ucio. Na andu aingi nimaroririe meguthii ku? Matiri kundu meguthii tondu no aitu. Megucoka Nairobi kuria mahereirwo wira nigetha maheo further instructions. Riu nomaheo wira kuu kana matumwo o wira ungi wa thirikari no guku thiini wa district government, guku kuriathanagwo ni andu aria mathuritwo ni muingi na mundu uria munene thiini wa district ni ucio. Thi wake ni location na location nayo ina thirikari yayo. He mundu uretwe location administrator. He kundu ndiroigite atiriri, tutigithii na mbere kumuita cibi. Andu maroiga tutikwenda. Ritwa ria Chief tutikwenda riroke niethirwo ringi. Nake mundu uyu ugwitwo location administrator ena hinya wake. He thirikari imwe muona hau ni ya guira itiini. Ndinona handu. Niya division. Iyo niirathire tondu muatuirire gutiri wira urutagwo division. Kwoguo thirikari iyo ndinonerwo handu. Tuoima district, thirikari iria ingi I location. Na riu mundu uyu uriciraga location aretwe location administrator. No korwo ni nii ndoiga tumuethere ritwa ringi riega no nitugucira uhoro ucio thuthaini. Ena athuri atandatu na athuri guku gwitu kiugo muthuri nikuga ni muthuri na mutumia. Naithi tigo? Riu ena athuri atandatu kana nituge between atandatu na ikumi. Na acio no nginya makorwo hari atumia. Kiama kiu gitingicira gitari na atumia. Naithi tigo tuaiguithaniirie? Ini tondu nio ene mucii. Knaju iyo iritagwo location council. Kirikoragwo gitumitwo andu kuuma icagini iria tureta village council. O gicagi o gicagi na haha mumenyere tutikahitania. Constitution haria ireta gicagi ri, ithui tuitaga ki? Sub-location. Constitution iragita village no ti village ni sub-location. Kwoguo thirikari ihana uguo.

Haria thi biu ni village council ina athuri aigana. Ina athuri atandatu kana ikumi makiingiha. Kuuma hau tuthii location council. Nayo iyo ina andu atandatu or about that. Tondū mekuma eri, eri kuuma sub-location. Kwoguo nomaingihe gukira uguo. Sub-location ingikorwo iri nyingi ri na o sub-location iroima andu eri eri nomakiingihe na nio megucoka mathii mathure mundu uria tene tungiretire Chief. Acio nio meguthii kumuthura. Nigetha turikie hau, ke njuge mbeca ciothe cia district...aca hau tigo hahana, ke njuge atiriri. Mbeka cia kurugamirira thirikari ya village council na ya location council iriumaga district. Districts no nginya igatuma mbeka cia kuriha athuri aria meki? Me thiini wa council Riu tondu muatuirire atiriri, wira uria urutagwo munene urutagwo ni athuri kuu kanjuini na icagini na matirihagwo. Na riu turenda marute wira. Undu wa mbere mathurwo, wa keru marute wira, wa gatatu marihwo.

He ingi iretwe provincial government. Provincial government ndiri na hinya tondu hinya wina district government. Provincial government ni ya gu coordinate districts iria cii thiini wa province na kurora indu iria cia province ci own itwo ni district ci hamwe. Ta riu provincial hospital kana provincial school kana maundu maria mangi me thiini wa province no nima district ci iki? Wira wa provincial goernment ni gu coordinate nayo provincial government igutumirwo two representatives kuuma o districts. Uguo ni a small government and one of whom must be a woman. Riu thirikari yothe ya Kenya no nginya haria yaruma hagakorwo na atumia marugamiriire. Uhoro ucio wothe na ithi ti mwega. Uguo niguo thirikari igukorwo ihana.

Riu ngurikia na kuheana uhoro wa Commissions. He Commission nyingi muno na tutingiona kahinda ga guthii guciariria ciothe

no ningwenda muthii mucirore na wira uria tucihete Commission icio ni kurora thirikari nigetha thirikari ndigathurwo icoke ithii toro irege kuruta wira uria ithuriirwo ni muingi. Na kwoguo ngwenda murore Chapter seventeen. Ta riu he Commission imwe ya bata muno muno haha. Iquitwo Commission on Human Rights. Nimuamiona iyo? I Chapter 288. Commission iyo ni ya bata muno tondu niyo ina mundu uria witagwo ombudsman nimuamuririkana? Ombudsman niho ari na ombudsman nimukuririkana nituoigire ni mundu uria uiguaga mateta ma muingi. Itagwo complaints office. Na kwoguo no nyende muthome uhoro ucio wothe wa Commissions icio na uria ciugite. Na itanarikania nacio he undu umwe mwatuirire. Kenya yothe undu uria ndaiguire andu uria ndaiguire andu othe makiuga ni ati, gutikanagie na mundu ukuiyongerera mucara. Tutiri kundu tutathire na tutiigie uguo na niturandikire hau. He na nyamu turetire salaries and remuneration commission. Nikuga kuuma President, guthii mundu uria wothe urarutira thirikari wira, mucara wake urithondekagwo ni Commission iyo. Nigetha twike maundu meri. Undu wa mbere aria marathana matigage kuiyongerera mbecha na undu wa keru micara ya mawira ma muingi ithii igananitio. Riu ngutigira hau tondu he maundu mangi maingi tutangirikia na nitugire tukianjia, Constitution ni itugi cia gwaka nyumba na riu icio ndamuonia ni itugi iria tuhuthirite gwaka nyumba ino. Hari o ingi nyingi na muoria ciuria aria mukuria hii hari o kundu tungicoka tuongerere. Riu uria ingienda tuike Bwana Mugo, no tuende mundu wothe wina kiuria orie handu hothe hatanathera.

Undu wa keru mundu wothe ungienda kuheana maoni make ma uria tungiongerera kana turute maundu maya me haha tutanakinya kuria conference, na mugerie muno niundu wa gitio, tutigacokere maundu maria moigitwo. O mundu akagweta kaundu kwa mukhatasari, naithi tiguu? Na riu tuguthii uguo. Andu aria me iti cia mbere. Tucoke thutha uguo nigetha tuthii turikitie na thutha. Mundu akeyuga ritwa, akoiga kwao agacoka agakiuga kana ena kiuria kana ekwenda kuongerera maundu maria twaria.

Mugo Nyumu: Niwega muno Commissioner. Mundu wina kaundu akoya guoko iguru.

James Mwai: Ha ritwa njitagwo James Mwai na ndi mwarimu by profession na ninugamiriire andu mena visual disability. Hari kiuria ndirenda kuria, kana nonjuge hari observation ndona kuringana na mutaririe wa structure ya thirikari. Wa mbere nimugite uhoro wa Ministers makorwo mari professionals na hau nonjuge nihega muno no kiuria giakwa ni giki, ngurani iria igukorwo ho ya Ministers aya meguthurwo na Permanent Secretaries ni iriku? Na in connection with that, nindirona ati Ministers aya matigukorwo mari abunge no no muhaka macokagie ciuria thiini wa Bunge. Mechanism iyo iguthondekwo atia? Kiu ni kiuria kia mbere.

Kiuria gia keru kigie structure ya the local government. Nituona ni hari division igiri. Imwe ni ya provincial government na iria ingi ni ya district government. No mutinatariria uria town na cities igutabarirwo. Ni thirikari muhiga uriku igukorwo put in place niguo ihote gutabarira nituge municipal councils na city councils. Riu korwo nonjokerio ciuria icio ri, nonjigie ngenete. Thank you very much.

General Kiriria Gathogo Muthura: Asante sana. Nii ngucokeria Ngai ngatho mbere na njuge ithui aruiri aria tuaruire bururi

uyu. Nii mbere njitagwo General Kiriria Gathogo wa Muthura na ni ndii nduire bururi uyu kinya hau ukinyite no kindu kiria ngwenda kugweta hari inyui Commission ino ni ritwa ritu rirokorwo riingirite Katiba ini ritigature riikarite oro nja tugatuikaga andu matari wira tuarutire. Ucio ni undu wa mbere. Njoke njuge bururi uyu turi na maundu maingi tukwenda gwika na Ngai niegutuhotithia tuike. No Ngai nake arute wira witu tondu ithui, githomo ithui tutikiri tuathomire o githomo ithui tutikiri, tuathomire o githomo gia kurua na bunduki. Kiu nokio tuarutire wira wakio na aria mari na githomo aria tuciarite, mathie ona mbere gutuandikira na mutuamukire na mutuikire Commission ini nii ndiri undu ungi nguongerera. Asante sana.

King'ori Mbogo: Nii njitagwo King'ori wa Mbogo. Nii kiria ngwenda tuike ni tucoke hari Katiba tuthii page six. Mundu uri na Katiba athii Page number six. Ngumuria atiriri inyui andu a Commission. Ni muthomete na nimuthomete kiugo giki wega gitagwo sovereign. Angikorwo nituthomete sovereign gitauragwo na mithemba iigana. Tondu kiugo kiu sovereign niki kiambiriirie hari draft na no kio giki. Mukorwo mui inyui nimuataurira andu aya me haha. Gwa gitumi kimwe, tungithii page number six, ni mutumia wa muhindi na muhindi manyitite makoiga sovereign. Na ndaikia maitho haha hari muhindi. Nimuramonire Gatharaini, nimuramonire kuria kungi turagithia. Mwambe muicirie andu a Commission. Tutikarute wira ungi wa kiria tuaruire. Gietagwo Kenya colony. Kenya colony. Na angi makoiga orio ari India nii nyumite Kenya colony. Akorio ti Kenya crown. Ihi nyumite Kenya colony na niki mbara yambiriire. Akorio ti Kenya crown, ihi nyumite Kenya colony na niki mbara yambiriire. Kwoguo kiugo giki kiandikitwo ni mundu mugi na niki kiambiriire. Ningwitikania na mundu ugwitwo muthuri wa K.C.A agoire ni kaba kuandikirwo ni mundu wa Standard four gukira andikirwo ni muthungu wa University. Murore hau wega.

Ndina clarification imwe nyinyi. Turona thiini wa Constitution muandikite retirement ya Judge ni sixty five years. While we still get in other papers makoiga sixty five years. So, that kind of anomalies niturenda hii tuthikirio nigetha tumenye ni iriku itikirio. The other thing ni ati kanju nimugire ati district council irigiaga igoti rikari kuri makanju kana iriukaga atia igoti riria ritinagio ria kahua, ria cai, ria iria, ria indo ciothe tuguraga ndukaini ri. Riri cokaga gucoka kuri kanju na njira iriku?

Geoffrey Karani: Ha ritwa njitagwo Geoffrey Karani. By profession ndi muarimu. Ningwenda kuria kiuria kimwe na ndikwenda ku-refer handu tondu ndithomete any part of the Constitution na undu umwe ingienda kuria ni undu wa Constitution ino gutuika ni expensive guthondekwo. Ona Constitution iria ingi nitui cianakorwo iri expensive na kindu kimwe ngwenda kuria ni muthondekere wa mbea. Riu tungienda ku-refer Constitution ta cia kindu ta bururi wa America. Kuuma mwaka wa 1779 mbea ni expensive guthondekwo na nituonete mbea niiratumirwo ringi niundu wa njira itari njega na niundu wa gutinda igicenjio cenjio. Nitui tungitinda tugithondeka o President oka, tugacenjia ritwa ria mundu uri woka. Twathiathia tugacenjia cenjia. Ona tugicaragia mbea nitukwenda tumenyerere kuria guothe economy ingikorwo riria kuria ingikorwo igitumira mbea na no ciage kuoneka ta umuthi. Na thutha wa miaka igana no ni kuri handu hii muthondekete ati niiguikirwo in the Constitution mbea itiritindaga igicenja cenjio nigetha tutindage tugitumira mbea makiria. Thank you very much.

Mbaragua Mutahi: Ha ritwa njitagwo Mbaragua Mutahi. Ingienda ku-refer haha hari issue ino ya national days. Haha nindirona twina 1st June, Madaraka day, 12th December Jamhuri day na the day Constitution ino njeru igatuika enacted. Kuringana na history ya bururi uyu uria ihana, nitukoretwo na andu aingi muno maruire bururi uyu ta ucio General Kihihia hau

na athuri aria angi matuciarite. Amwe nimakuire na amwe makiri o muoyo. Niingiapendekeza kwa maoni yangu kana no tukorwo thiku ino irehereririo ikorwo iya mashujaa day nigetha tukahotaga kuona bururi witu kuria woimite na tugakiririkana na tukahota kugia na njira ya guthia na mbere.

Issue iria ingi ni ati; the appointment of Ministers ona angikorwo the draft iratuonia the Ministers ma appointagwo from the professional candidates. Nitukuona hihi nogukorwo na MPs mangikorwo mari equally qualified na nii nguona if an MP is equally qualified na niekuhota ku-run Ministry ninguona niagiriire ku-appointwo Minister so undu umwe hihi na uria ungikorwo atari MP aki-appointwo gukorwo ari Minister. Thank you.

Peter Ngure wa Kariuki: Njitagwo Peter Ngure wa Kariuki na gwitu ni guku Nyeri kuuma Mukurweini na ndi muhonoki. Nii ndirenda o gucokeria Ngai ngatho na kugathiriria wira uyu murute ni andu aria marutite wira ucio no nonyende kuria kiuria iguru ria undu umwe. Nihagwetirwo ati andu aria mari manyumba ni mari thiini wa Constitution. Ndimithomete wega na matithiite through. Nonyende kumenya kana andu aria matari nyumba ona imwe ri na aria angi matari na mabiacara ri. Magiuka biacara ini nimagitiritwo ni Constitution ino hari uhoro wa kindu gitagwo good will na kiria kingi.

Haria hangi ningwendaga kuria handu haririo uhoro wa andu aria mehagia magatuika nimatuagirwo gukua. Ningunyita mbaru uhoro ucio no no nyende hongererwo kana hathondekwo wega makiria ati mundu angithii muno makiria uria hihi angiteithio na uhoro ucio wa kuihia muno makiria niundu wa guteithio kahinda karaihu. Asante sana.

Andrew Githinji: Nii njitagwo Andrew Githinji Murimi na ngwiciria nii ngugweta kaundu kanini tu. Kaundu karia ingienda kugweta no ati uhoro ucio wa kuandika professionals makorwo mari Ministers thiini wa thirikari iria igukorwo I njeru thiini wa Constitution njeru. Ucio nii nokugathiriria ingigathiriria njuge niundu mwega muno tondu ni kuagia na creation of jobs na andu professionals aria marihotaga guteithia andu. Tondu ona Minister athurwo ari Member of Parliament kuma kiana ini giake nikuandikwo andikagwo wira ni thirikari. E public servant arutire thirikari wira. Kuringana na uguo hatiri na utiganu riu uriho. Gatagati ka andu aria marioyagwo mari na guku nja. Aria mangihota kuandikwo makaheo ruhengo ruu marutire thirikari wira and the Public Service na undu ucio niurikoragwo uri undu mwega tondu nitakuga ati mundu ucio arirutaga wira akimenya ni bururi ararutira wira. Tiguthurwo athuritwo na wira ucio ni arirutaga na kinya akimenyaga ati angithukia niekuingatwo. No Minister niamenyaga no nginya aikare miaka itano. Athurwo thiini wa Parliament eguikara miaka itano. No uyu ukuandikwo ni public servant na nikuandikwo andikwo ni thirikari, niekuruta wira ucio aubaririire na nigetha ona ahote guturia kinya hindi iria agakorwo akioya pension yake. Thank you very much.

Maclein Watetu: Mimi ningependa kutumia Kiswahili. Sijui kama ni sawa? Mimi naitwa Macleain Watetu na ningependa kupongeza kazi ambayo imefanywa na Tume na pia ningependa kuongeza haswa mambo...what you sighted on behalf of the Kadhis court. The structure is very much admirable as far as we gave our views. Also, I would like to draw the Commission to the following:

I would like the draft to be a little bit more specific on the duration that the constituents can impeach or rather can wish to call back their representatives because of may be under representation. Kwa sababu tunaweza chagua mtu leo halafu next week tuchukue signature za thirty percent. We want the MP back because of malice. Na pia tungependa draft ielezee if the victim can be allowed to re-contest. Kama watu wamesema umeshindwa, can you be allowed to re-contest on the same. Na pia tungependa hii mambo ya ku-impeach Member of Parliament also should cover the civic representative. Pia Councillor if he is not performing pia watu wa ward yake wanaweza kum-recall. Na pia hii Katiba igusie. It should at least put a page on the nomination or clearance fees for the candidates. For example, if the Electoral Commission inaweza kulazimisha watu walipe pesa kama fifty thousand ama twenty thousand ili mtu awe cleared. What happens to candidates who don't have that capacity ya hiyo pesa and he would like to represent his people? Na pia ningependa Constitution iwe clear kwa mambo ya tenders. Isemekane ya kwamba you cannot award yourself a tender while you are on the sitting committee. Kama council inataka kuweka tender ya kuweka mawe ama kurekebisha mji. It is not possible Councillor ama mtu kama ni Bunge ina award kitu kama hicho. You are a party to the people ambao wanapeana hiyo tender na wewe mwenyewe pia unapewa hiyo tender. Ama kama ni mambo ya kutengeneza barabara, iwe from other sources. Also, ningependa Katiba itueleze vizuri katika bill of rights. How does the various authorities of the Government ensure that every unemployed Kenyan is entitled to daily bread.

Kwa sababu we have got in other Government formations for example in Libya or Britain. Unemployed people kuna kiwango cha pesa ama kuna kitu fulani ambao wao hupewa. Kwa sababu tunajua ya kwamba all of Kenyans cannot be employed. So, katika Bill of rights mtuambie ama muongeze wale ambao wako unemployed wanaweza saidiwa. Kama ni Serikali itawapatia pesa wafungue biashara. Na pia ningependa kugusia mambo ya ceiling of the age. Kwa mfano tumeambiwa katika draft over seventy one years cannot be allowed to contest for Presidency. What about the MPs? Is it possible tuchague MP ambaye ako na two hundred years. Na pia ningependa Parliamentary term iwekwe. We have got a term for Presidency. What about an MP? Is it possible to have an MP for the whole decade to have an MP for the whole century. Mtu alianza kuwa MP sixty two mpaka leo and also the local authorities. Asante.

Thank you Commissioners, I am Councillor Joseph Wamiti Kamiri kutoka Karundu location, Nyeri county council. Langu ningetaka...ke njarie na Gikuyu. Giakwa ingienda turore gicunji kigie tiri. Uria tukuona thiini wa Katiba kana thiini wa history itu ni ati; tiri ukoretwo ukihuthirwo kana ukinyitwo tari utonga. Ninjuge tiri urorwo na njira ya mwanya thiini wa Katiba njeru. Wonekane tari gicunji kia wonjorithia niguo tuhote guteithia thirikari ya Kenya. Tuarora makiria nitukuona andu aingi matuire maigite tiri ta thahabu thiini wa bururi uyu na ni anyinyi muno. Andu aingi ni aria matari na kamweke ga kugia na tiri na gutiri. Ni tungienda Katiba njeru ikirwo hinya andu matige kuiga tiri na njira iyo iragwo. Tiri ucokio thiini wa thirikari ino turathondeka ya location kana district na wanjie gukomborithio na njira ya gukomborithio. Maoni makwa kana wendi wakwa ni ati; kindu gigitwo title deed iria itakoretwo iri thiini wa control thiini wa thirikari ino twinayo. Cininwo na ituike replaced hihi na kindu kiria thirikari ingiona kiagiriire thini wa district kana location level ingiona kiagiriire. Na nii hakwa ingiona kingikorwo gi ta licence uguo.

Tumite hari title deed, iria cio nyingi itugiririie ithui andu ethi gukorwo tukigia na indo cia kuiyonjorithia. Tondue o haria hothe ingithia ngwitio security na title deed. Niingienda kindu gitagwo kibande gikorwo gikiheo hinya muno ni thirikari ocio nyinyi cina guku thiini wa location. Ati o mundu wothe ungienda guteithio, athii thiini wa locational government kana district government, kibande kio giki na gukorwo ni wakuu, igatuika security ya kuheo mbea kana kindu kiria kingi abatie thiini wa biacaraini. So na njira iyo ngwenda kupendekeza kindu gigitwo title deed tunine na tiri urorwo na njira njega ni Commission ino ya tiri. Thank you.

Michael Muriithi Chege: Ha ritwa njitagwo Michael Mureithi Chege na nyumite mwena wa Othaya. Kindu kiria ingienda kuria haha nindaigua Minister aitu kana President, nimari declare aga utonga ao mbere ya kuheo wira. No ningwendaga kuria atiriri, watho witu niutuirite uria kurikagwo angikorwo President kana Prime Minister nianiyitwo ati niarite indo cia muingi. Watho niuroiga uria hihi arikinyagirwo agagicokia indo ocio tondu nima itiar ciake agicokerie muingi. Tondue hakiri na uhoti kuringana na uria tuonete ati ona President no ahote gwithondekera title ya bururi uyu ituike yake o handu hihi aritukomborithagia migunda kana hihi ocio ikwiragwo ni mundu ucio uma hau mbere.

Uguo noguo ngwenda kuria. Nindaririkana he handu hangi ngwendaga kuria. Haha he handu tuirirwo ati thirikari iria irituathaga guku irikoragwo iri under D.A kana District Administrator na ndaigua hakirwo ati Commissioners nimareciragia uria mangithii na mbere gwitwo ma chibu. Tutingienda kuigua hindi ingi ritwa ria Chifu kana ria Headmen kuringana na uria matutuarite. Korwo no kuhoteke, ona kungiaga ritwa, rekei magitwo deputy district administrator. No kindu ta Chifu kana Headmen, reke tutikariingirie thiini wa Constitution itu. Thengiu.

Peter Ndegwa: Ha ritwa njitagwo Peter Ndegwa na nyumite itura ria Tetu. Hakwa ingienda uhoro wa Commission ino nindakena muno tondu nindaigua ati mithuranire kuuma haria turithuranaga ona mundu ta President ndagacoka guthii Parliament no ninguenda kuria o kiuria kimwe. Tondue andu aku a President nimathurite President ri, nimagucoka ithandukuini mathure mundu ungi wa kwao mjumbe wa kumaragiriria. I tondu President wao niehera thiini wa Parliament na nimariendaga tumaundu twao kuga tuthii Parliament. Tuu turiaragiririo nuu? Asante.

Rose Muthoni: Njitagwo Rose Muthoni wa Kabutu na mbere nigucokeria Ngai ngaatho niundu wa kuhee andu aya a Commission hinya wa kuruta wira ucio muritu marutite. Tondue kahinda kua njikarite, nii ndiri ndona wira ungi ukurutwo ni andu a Kenya yothe na ugakenia andu ninety nine percent. Ucio ni wira wa hinya muno na wira wa kuonania andu ocio ni mari na ugi na nimahoire Ngai ugi ota uria waheirwo Solomon. Kiuria kiria ingikorwo nakio ni kimwe tu. Niki giatumire hihi kuhoteke andu anini ta one percent moige draft Constitution ona ndirarugamirira maoni ma andu ona matarikitie kumirora uria ithiite na mbere. Hau noho hamakitie na nonyende hihi Commission ituiguithie hanini.

Isaac Wambugu: Nii njitagwo Isaac Wambugu Gatheru kuuma Mathakwaini village. Ndirenda kuria Commission ino, niundu

thirikari iria irariho...mabururi ma kuraya ati niwagutueithia. Na ithui guku tuturaga ma form otuiyuragia. Magathii kuria Nairobi, mari ma group kana mari ma individual na gutiri....tugaikara muno ona ringi gutiri kindu giukaga. Mbega ciitu ituraga ciigunaga ona thirikari iyo ingi irariho. Andu magaturaga megunaga na mbega cia cionje. Riu na inyui Commission ino, Katiba ino njeru irathondekirwo ri, nonyende kumenya uria ithui mututhondekeire uria mbega ciitu cia uteithio turicionaga na njira itari ya kugio. Ngurikiria hau.

John Karweni: Njitagwo Karweni na nii wakwa ti kiuria no ni a comment ngwendaga ku make. Wa mbere reke nyambe njuge twina ngatho muno ni Commission. Wira uria turutite ni wira mwega tumuteithiriirie tondu ni ithui tumuteithiriirie muno na njira ya kuruta maoni. Korwo tutiarutire mutiri na kindu mungirandika but all in all ndina guoya kidogo ngiciria tuerekeire guthii kurikia. Na muroiga mwahota gukorwo mugituhe Katiba njeru by December 12th na Katiba iyo hii no tuhote gukorwo tugithii githurano nayo giki tuerekeire. No ndina guoya wa gwicira ati ti andu othe magukorwo mamionete na kwoguo agreement iyo tukiuga ni kuringana na uria Bwana Mugao anjirire ati Katiba ni agreement. Angikorwo ni agreement tuaiguaniria na tukorwo tutigukora tutimiui ithuothe. Ndina guoya wa kuga ati onayo ndingikorwo igituteithia. All through ta riu ungirora population iria I giikaro giki today, tinjiganu ya kuuga ati, we have all the Nyeri community as a constituency. Na angikorwo mugukaga kuuga twina delegates aria twinao haria aria turatuma niundu wa conference. Magiuka guthikiriria uria turoiga thutha wa kuona Katiba tucoke tumatume, ndina guoya wa kuuga ati onao matigatuara Wanjiku uria wi guku Nyeri angienda kuuga. Kwoguo ndirenda kuuga na njira nguhi ati no twende kuongererwo kahinda. Wanjiku ucio ambe anengerwo document iyo before I-endorswo kana before yambiririe kuruta wira, ambe anengerwo amione na ami-understand na njira iria yagiriire.

Charles Githonga: Mbere ni ngucokeria Chairman...ritwa njitagwo Charles Gitonga Nderi na ndi muturi wa Nyeri municipality ino turi haha. Wa mbere thiini wa Constitution iyo nimuthondekete wega muno, thengiu muno. No hari handu hamwe ndaregana naho, notikuregana naho ni maoni makwa. Nguga Ministers ikumi na atano ni anini muno moke eighteen. Muthii muchunguze ringi moke eighteen. Ningi hari iti magana meri ma ikumi, kuongerera ta iti mirongo kenda uguo muthii muthondeke constituency iria nene muno ciongererwo andu acio mirongo kenda mathurwo. No kunengera andu o uguo, raia raia ragaraga. Iti icio mirongo kenda ithii igayanio constituency iria nene. Wa keru, Senator aya igana rimwe, kwa muda kamuiria mucenjje Katiba thutha wa miaka iri ningwitikania naguo riu. No hindi iyo ingi, muandike hau ati igacenjjo. Iti icio ni nyingi muno, imwe ciaheanirwo Rift Valley na Western Kenya noo atheri ona thiini wa Senate iyo irathio gutiri undu urihitukagio no o aingi.

Tondu districts ciathondekirwo ota village iguka I mirongo mugwanja tuhu handu ha ikorwo iri mirongo itano cia Kenya. Kwoguo in future ciikorwo iri mirongo itano na atumia mirongo iri ciuke seventy. Muthii murore hau aria marathii gucenjja Katiba iyo Senate. Iyo ingi tondu niyerwo muno. Nimukuaritie uhoro wa bendera, mwaria uhoro wa public holiday. Iyo ndikariganire. Kenyatta day uria iguthondekwo ithondekwo niundu wa wiyathi ucio waruirwo na niyo Jamhuri ikumi na igiri tiyo yomire wiyathi. Hindi iyo andu nimakuite. Struggle ona America ni kuri muthenya wa struggle yao ya George Washington riria maneirwo bururi wao. Kenyatta day muthii mumenyerere muno ndikahane ya guthira. Ya mueri ikumi iyo ni ithii ndiri na undu iroiga.

Hau hangi nimugire uhoro wa Katiba ya health. Muoiga atia thiini wa Katiba ino, ati mundu ndakoimwa ati ni human rights. Ndakaimwo care ya emergency ya kuruara. Nimugite atuarwo thibitari na mundu wao ni muthini, kana ni atuarirwo Kenyatta kana atuarwo Nairobi hospital nuu ukariha bill iyo? Tonduni wandoria Mathari ri na ndiri na mbecha ni emergency ndaimwo, nuu ukandihira na andu aitu ni athini?

Secondly, hari nyamu ingi ya human rights ndageria kumirora na ndinamiona. Public auctioneer. Riria indo cia mundu ikuhurirwo ngengere Nyeri kana kuria kungi kana Murang'a. Haha muthikiririe muno. Ukoya indo cia mucii iria irugagira mwana na okaya thaburia na thani na ki giothe. Iyo ti human right ucio ti umundu. Hau muthii mure ringi okorwo nduri ho. Auction iyo okorwo nduri na indo bengi thii woye mugunda kana woye kindu kingi na ndugathi kuoya kindu kia mwana. Na ndukoye indo cia nyumba itikanoywo. Wa keru, gutuaraga andu njera ni undu wa thiri wa mundu. Uyu naguo nituiyathire muno, andu matige gutuarwo njera niundu wa thiri wa ng'ania ati oima na thiri. Guthii kuheo ngima thiku mirongo itatu, ucio ni ukoloni uria wa tene. Ya muico nayo na ndiui kana iyo nayo iri haha no ndimiuge. Ni uhoro wa migunda iyo muagweta haha. Nii ona ndiui kuria muarutire uhoro ucio murarutire hau na nomurekire wega muri athuri. Kuuga ati muiiritu wakwa niahikire Mathira na indo ciakwa ringi niaroka guku akagae na ningi niakihikire. Watho ucio okorwo umite India, ni uthii weherio. Ucio ti undu wa nduire wa (inaudible). Akorwo niahika, ona nii ndiguthii kwao, niathii kwa murume agaye indo kuo. No nii niatige gucoka na guku thutha. Oke akioyaga na twina mwana muthini.

Iyo ingi ni uhoro wa mbecha, mutinandika uhoro wa mbecha. Kana no (inaudible) na mbica yake. Kana mbecha ici tugucenjia igekiragwo mundu oka igekirwo uria ungi. Nimurandikire mbecha ucio thiini wa Constitution inyihio kiria...icorwo kiria irimenyekaga ciandikitwo na maritwa ma andu. Uhoro wa mbecha. Ndakinyia hau na nindoiga ni thengiu muno. Asante sana.

James Wanyiri: Ritwa ni James Wanyiri kuuma na haha Kieni. Nii undu uria ingiuga mbere ni ngatho nii ingimucokeria. Muti uria ungi nonjugire hari muthenya umwe, mababa maitu nimakiririkanaga thiku ucio cia Kenyatta day uria maruire wiyathi. Muthenya ucio uragia andu a 10th October nii nonjuge utuo riria Kenya yagiire ciama nyingi. It is a very important day. Iyo niithui turakiyoneira tikuigua tuiguaga.

Muti uria ungi, thirikari iria tungithondeka kana Constitution iyo tungicenjia, andu maririkane ona makanitha makagiirwo mbecha. Tonduni ona andu nimarora kanitha ni mihothi na maruta kuingiha na uria uchumi uhana. Uguo ona makanitha matikariganire undu andu amwe nimatuike pagans muno mundu utari ndini niundu wa kuhinyirio.

Undu uria ungi ha micara naho, iyo nayo ithii irorwo muno tonduni uraigua mundu araheo ngiri magana na nii ndiratinda kibarua kwa mundu ngaheo ciringi igana na turinyua mai mamwe na turigura duka imwe mutu. Thank you.

Samuel Gikonyo: Njitagwo Samuel Gikonyo na gwitu ni guku Nyeri. Katiba iyo nimugeretie guthondeka na ni ngatho nyingi

no kuri point imwe ya bata muno itanaigua thiini wa Katiba iyo. Niyakuhe muruti wa wira wa thirikari iria twetereire iguka. Uhoti muingi muno wa kuhota gucindana na mundu wa kawaida. Tondū mundu ucio ndinaigua, ucio uraruta wira thirikariini. Ndinaiigua mumugiritie kuhura wira wa biacara. Na ndangiona umithio na kundu kwiri. Ithui tutiri mundu tuetereire atuandike na tugeragia tubiacara tutu tunini tunini. Mundu ucio tondū niandikwo na akiri na mbeba nyingi, muamuitikiria oke biacaraini, ndarirutaga wira wa muingi na njira njega. Tondū akorwo ni ndagitari, ningwenda gutariria hanini handu hau. Gitumi ni tondū nii ndathii wabici, ndirakora niathire kurora kana iria nirithirire dairy yake. O korwo niucio mureta district administrator, hindi iria ndathii gwake wabici, ndirakora kana niathire kurora kana Supermarket yake noiragurwo na ni commodities iriku thiru. Ningwenda...na point iyo nindanina. Constitution igirie muruti wothe wa wira wa muingi kuingirira biacara. Namba ya keru, igirie thirikari gwitia indo iria tukuragia guku. Okorwo ni igua ta tuge cukari, hindi iria metia nja, arimi a guku kuria turarima, ugutuika waste. Mucere ningi ta uguo. Ndinaiigua Katiba iyo kuri handu ihutitie. No ucio ni undu umwe wa bata muno tondū andu aingi ni aria mategukorwo me handu mari ri na ni makuria cukari ri, nimakuria mucere ri, wacoka wetio murimo ri, witu ndukagia bei ona ndukona gwa kuendio.

Namba iria ingi ni iria igwetirwo ni mundu umwe haria akiuga ati title deed I-revolkwo iyo ingikorwo iri thirikari ya mikora ya gutunya andu haki yao. Gutiri hindi mugunda wa kuuma agu na agu ungituika nduri kirugamiriri na utuika ati kinya aria maruikara ni wa gukomborwo. Hau nonyende Constitution itu nayo ikire hinya title deed ya migunda iyo ituika ya ma. Nondinabinga mundu kurugamirirwo akioya loan ni kibande. Ni uguo.

Francis Karong'o: Niwega muno Bwana Chairman. Ha ritwa njitagwo Francis Karong'o na ningoretwo thiini wa Nyeri town ngitongoria aruti a wira thiini wa Nyeri town. Hari observation imwe, thutha wa bwana chairman gutariria Constitution ino itu. Nyamu ino abolishing of provincial administration, tutikae kuhuana ta mundu ungi woimire America, agiuka agikinya airport, aki-abolish form five, form six akirehe kindu gitagwo 8-4-4. Na 8-4-4 niyacokire iki-fail. Kwoguo ndiroiga atiriri, tuki-abolish the provincial administration nituagiriire Katiba yonanie, hathio systematically. Okorwo ni ku-abolish, tu abolish akorwo ni uhoro wa sub-chief mambe mehere tu-replace na village elders acio muoiga. Tuone kana that idea is going to work. Tuthiite o uguo tungi succeed tu-abolish akorwo ni district commissioners. The other thing ni uhoro wa ku-vet member of Parliament. Andu aingi ninjui gutiri mundu urugamaga giti kia Parliament akaga opponent. Kungituika thirty percent ya andu nimeku-vote vote of no confidence, nikurikoragwo na coups tondū mundu uria wahotwo ringi ahotirwo na miti minini, egucoka a-organize andu ma-vote na vote of no confidence to that MP. Kwoguo handu hau nihagiriire kurorwo muno. Mundu arikiya guthurwo ni aheo miaka iria itano iria agiriire kurikia that term. Thank you.

Raphael Kimathi: Ha ritwa njitagwo Raphael Kimathi na nyumite Ndugamano. Ni observation ingienda ku-make here. Njuge ati Constitution iria turahuthira ndagika ini ri, ni hari maundu mamwe, for instance ni hari freedom tukoragwo tuhetwo ya movement. Hau ninguona ati ta riu mundu ona akiuma wira ri kuri hindi anginyitwo ni borithi thaa ta ithatu akiumira wira. Ageria kumaiguthia makaga kinya kumuigua ukona ni atuarwo igotiini. Riu ri Constitution iyo niituhete freedom of movement na niukuona that site is not being adhered to. Riu undu uria ingienda kuria ri, ni guarantee iriku Constitution ino ituhete ati maundu

maria mari Constitution ini ino nimakurumirirwo.

Undu uria ungi ingienda kuria ri ni ati, riu tondu turi in the process of completing the enactment of the Constitution ri, yathii Bunge yahitukio ri na yagia na presidential assent, ni guarantee iriku turi nayo ati ndiricenjacenjagio ota uria riu nyonaga igicenjio to certain individuals. Undu ungi ingienda ku-make. Another comment ni ino ya gutuika ati professionals nio magakorwo maki-head ministries. That's a very bright idea. Thank you.

David Waithaka: Ha ritwa njitagwo David Waithaka no andu makinjue Chaka. Ndutaga wira Glogon. Ni maundu maingi maritio na ndikihota gukiaria mari mothe. No maundu maria ingienda kuaria ni maundu ma Judiciary. Tondu niyo ihuritwo muno. Nonjurie kai utangitangwo na wonaka na mahitia macio, mundu uyu uguthitangite arihwo mbeba icio mundu a finagwo handu ha ningi ithii na thirikari. We ugatigwo nii wambagiririe maundu ma civil case. Uguo niguo nii ingienda kwamba kuria.

John Rugara: Asante sana Bwana Chairman. Kiuria kiria ngwenda kuria no kimwe no nguria ciuria ta ithatu uguo. Njitagwo John Rugara kuuma guku Nyeri na ninjugire Bwana Chairman oiga ati nimukugia na council ya kuchunguza andu aria corrupt. Na nindikite kuona council nyingi igithura kana thirikari iria twinayo igituthurira andu acio corrupt. Magakorwo nio corrupt kuria marathii kurora. Handu hau naho ni ikinya ririku murioyaga. Angikorwo andu aria marikoraga kurora andu aria corrupt nio marikoragwo mari corrupt kuri acio angi.

Wa keru, ningwenda kuria kana ta riu igoti ta riri ria Nyeri for example, handu ha gucirira macira infront of people, maciragwo kiroko, ukona thaa inyanya guathio chamber, kuu nikuo angi mathiaga kurengerwo kirimi kuria andu mataraigua. Kuri na igoti ribataire gukorwo na guku thutha na riria ringi rigakorwo ri mbere.

Wa gatatu ningwenda mu-consider at least athuri aria maruire wiyathi bururi uyu tondu ndoraga ngona ati andu aria maikarire wega na mathire wega muno ni aria matanogirio ni bururi. Andu aria mataire thakame na makiona thina muno. Andu aingi ona 6x4, handu ha guthikwo ndari umuthi. Kwoguo andu acio mugithondeka Constitution njeru, mugeria gu-consider ona kaba ithui tuikare hanini kuheo kindu no andu aria maruire wiyathi at least magerie gukorwo na maheo ona korwo ni acre igiri, igiri kana imwe imwe. Mundu ona angigikua one haguthikuo. Asante sana.

Nancy Wangeci Ngatia: Njitagwo Nancy Wangeci na ndi wa Nyeri municipality na Tetu branch, Kenya union ndi treasurer wao. Riu ndirenda gucangira uhoro wa andu aria matakoragwo na hinya tondu nikuri andu aingi makoretwo magithomithia ciana ciao na ciana icio igatuika ciana thomu nomarikia makaga gwiteithia ni tondu wa kuaga capital. Riu undu uria nii ingiuria Katiba ino njeru ni kuria ati; korwo mundu woth no a-considwo ta mundu. Akorwo ni hindi iria kurendwo gukombanirwo mbeba, andu acio magakomberwo ni tondu andu aingi twina kiyo gia kuruta wira no niturakorwo tutari na hinya niundu wa gukorwo tuagite mbeba. Kwoguo niingiuria Katiba igicenjia, itikire gu-consider andu acio nigetha aciari aria marahitha ciana ciao micii matige gucihitha. Niwega.

Mugo Nyumu: Ndona tatuaria, ninguria Commissioner athii na mbere.

Com. Muigai: (inaudible) He mundu umwe uririe uhoro wa town na city na ningumira aore Article 222. Niho uhoro wa town na city iri. He mundu waririe na ndatekana nake biu uhoro uyu wa gucokia MP niukwenda urorwo hanini nigetha ndukahuthirwo guthukia. Na kwoguo ni wega hangikirwo limit ya mundu ndakaingire kuo ona atanina mieri itatu ningi gutuikie niaretwo. Na uhoro wa kana no arugame, angirutwo ni kuaga kuruta wira, ndagiriirwo kurugama na maundu mau mothe nindaigua. Hari muthuri umwe woiga giti kia MP onakio nikiagiriire kuhingirwo miaka. Mundu acoka maita meri, ria gatatu ndagacoke kana akiria miaka igana una. Ona iyo nonyende turore. maundu mau mangi mothe ni mega ni maoni. O mundu akoiga uria hau hangikwo.

Riu ithui nituakena muno niundu wa uguo mukire na mwakiriria na mwamukira maundu maria tuamira na inyui muatira maria muona magiriire. Riu andu aria macokererwo ni uhoro ni aya twinao atatu. Athuri aya eri na mutumia uyu tondu nio magathii kumurugamirira national conference. Na nimaigua nimuona nimandika muno muno. Matiri undu matanaigua. Uguo tuakinyukia ikinya riu ringi, nio riu magathii kuga uria andu a Nyeri mekwenda. Riu ningucokeria coordinator witu kameme nigetha tuhinge giikaro giki.

Mugo Nyumu: Niwega muno Commissioner Muigai, niwaruta wira mwega na niwatuthomithia. Na inyui ndimucokerie ngatho ni tondu wa uguo muakiriria. Tuge atiriri, o mundu o mundu atuike mwarium. Kaingi nindirona ndahitukira handu, mundu ona ndina karuri gaka, akanjuria uhoro wa Katiba. Kana ngona mundu anjika kiara oro uguo. Ni tondu andu aingi mena bata muno na wira uyu wa Katiba na matingienda wira uyu uthuke. Riu ngwenda kumutariria ati; mundu ena copy ya Draft Constitution. Muthie mumithome wega na nigetha ugicokeria mundu kiuria ukahota kumucokeria kuringana na draft uria ihana. Na unghota mapendekezo maku...Ningukaga hau uguo. Draft Constitution ici turacitwara thiini wa bururi mugima. Na tutihotete gukorwo na njiganu ati o mundu o mundu agie. No nonyende kumuririrania ati kaingi kaingi ngathetini nimarutaga pull out igakorwo hau ngathetini. Library itu iri o haha, nitukuiga copy cigana una ho nigetha mundu angienda guthii guthoma agathoma. Ona andu aria matahota guthoma niundu matiri na maitho, nituri na Braille iria cia guthoma na moko. Na riria twina ingi no turithiaga na mbere kumuhe. Wa keru ndimuririranie ati tutiri na kahinda karaihu muno tondu kuuma riu umuthi na mweri twenty eight, ni thiku nini iria tugathii national conference na ni important turathii tukiraga andu. Muthii muaririe uhoro uyu. Muugariire mundu na mutumia wake, mundu na muthuri, mundu na arata ake. Nigetha Katiba ino wona twamiandika igakorwo iri na input ya everybody. Njoke ndimuririranie ati; turi na delegates aitu mari haha. Between now and twenty eighth no moye mapendekezo manyu na magithii kuria magathii kwariria andu a Nyeri. Mungirora ngatheti ya umuthi ya Standard ina list ng'ima ya delegates aria othe magathii kuu na maritwa ma delegates aitu meho. MPs aitu ni delegates kwoguo no mumaha ujumbe uria mungienda waririo. Riu ngithii kurikia, ninguhe Councillor o ndagika imwe tu. Please Councillor warie na ihenya muno. Ucoke unengerere Madam Nyathogora atuhiningire na mahoya turikie.

Councillor Waithanje: Ngwiciria aria matoima ho mbere, matinamenya ritwa riakwa. Njitagwo Waithanje na ndi Councillor. Wakwa ningwendaga gucokia ngatho niundu wa inyui mukire, facilitators aria tukoretwo nao. Njoke njokerie inyui ngatho muonire matha ma guka guku. Na muno ningwenda gucokeria ndagitari ngatho na niwe Commissioner witu. Tond u thiku ithathatu tukoretwo onake. Tukiambiriria Mathira, tugithii Mukurweini, tugiuka Othaya gwitu. Turathii Tetu, ira turari Muiga na umuthi turi guku. Ningwendaga kuoya mweke uyu ndagitari ngwire ni thengiu muno tond u thiku icio tukoretwo na we ndiri ndaigua onogete. Ona umuthi noguo ndona wacererwo hanini. Hindi iria ingi ukinyaga mbere itu. Njoye mweke uyu njoke njokerie andu a Nyeri ngatho othe tond u uhoro uria matuhete nituhite na ithui tugithii kuria turi delegates ithui atatu tumu-assure kindu kimwe. Ati uhoro uria tuhetwo ni Nyeri yothe nitugathii ku-defend na kuariria Nyeri. Uria irendaga na yugite na maingi nitamurahanania kuuma kuria tuthiite nitukaruta wira ucio na njira iria yagiriire.

Reke njuge Commissioner Bwana Githu wona wathii kuria wire Commissionwers aria angi nitu-appreciate wira uria marutite miaka iyo iri ona kuri na mathina maingi muno muno. Muico ini ningwenda kuria o kindu kimwe na ngiaria ndiraria uhoro wa Nyeri. Ni ati President witu nitukwenda ahutio, nitui ni mundu wa kanitha no nitukwenda ahutio. Ndakabunje Bunge conference ino tumiite (inaudible) itekite atia? Na angika uguo tond u niwega kuuga tond u turi ateti, amenye thirikari tond u niirakioneka iria igugiuka nitukamucirithia. No riu ndikwenda kumucirithia tond u ndikwenda miaka yake forty seven ikorwo iraruta wira wa tuhu. Wakinya guthii thii wega na inyui mwakinya gutuhoera wira uyu turute, wakorwo na kiria ungikorwo na kio, ngwiciria ithui turi oneki turi aguku.

Muicoini nii nonjugire nimuaigua views cia andu othe a Nyeri. Na kuria tond u nikurithiaga gugekwo tumaundu turia turu. Reke njuge on your behalf, ona ithui nomutuike recalled ota uguo Constitution ireka atia. Ona akorwo mutigwitwo hindi ino. No meciria manyu na maundu manyu ni magatuika recalled. Tond u consciousness yanyu na andu aya itigakorwo igituarana. Na nii no njugire Ngai nimwega reke wira uyu turikie na turikie na njira njega. Thank you

Margaret Nyathogora: Rekei riu tuhoe. Nondimurie murugame.

Ngai mwega thiini wa ritwa ria Jesu Kristu, Baba twina ngaatho niwe kahinda gaka niundu nitukuririe utuhe kiambiriria kiega Baba na kirikiro kiega na riu niguu guatuika Mwathani. Ithe witu nitungigucokeria ngatho tond u niuthotithitie tugakorwo na thayu Kenya ino ona tukionaga maundu uria turagururwo kuna kuna na niundu Ngai witu nitukwendete nawe niutuendete, ugakiriria gutuhe hinya Ngai witu wa guikara hau mutharabaini tugueteraire Mwathani. Na Ngai witu Baba niturona kwina ndariri. Ithe witu maria mothe twanarira Baba niturona nimakinyite riu kugirio. Niundu Ngai witu Baba ni ithui turethondekere Katiba ino na niikinyite muico Mwathani witu. Na kuna turi o maruini Baba tugikuiria ati; uharaganio o uriku Mwathani witu ndukanoke itarikite. Ona macio Ngai witu makubunja Bunge Mwathani witu tuamakumithia thiini wa caitani na tuahumbirithia undu mwega Baba na thakame ya Jesu. Niundu Ngai witu turi ciana ciaku na niutuendete. Nitui utheri wothe urioho Ngai witu na uguthii o ukionekaga Mwathani. Thengiu niundu wa Commissioner Githu Mwathani witu. Aturite na Nyeri yothe Mwathani witu thiku ithathatu akiheana uhoro mwega wa Katiba. Haria hothe tuthiiga Mwathani witu nyonaga otukihura ruhi Ngai witu na tukoiga

halleluyah niuria atuthomithitie wega. Ithe witu tungigikuria Mwathani umuhe hinya o ucio mwega wa guthii akirutaga utheri Baba. Na Ngai witu nitungikuria Baba kahinda gaka tondu nituarikia, reke Ngai witu tutigane wega Mwathani witu na aria meguthii mathii na wega na niundu Ngai witu niui ngari ici ithondekagwo ni moko ma andu. Nitungikuria utuike ndereba aya marathii Nairobi. Ona aria angi marathii o kuria mundu arithii. Ona aria meguthii na maguru Baba witu mahutie na umatongorie Ngai witu. Na weka uguo Ngai Mwathani, ngumo na rugoci irogucokerera.

Tutingiriganirwo ithui tutumitwo ni andu a Nyeri Mwathani, tuakinya kuria Ngai witu niui kwina maundu maingi muno na andu nimahoyire mbecha Ngai witu magituiga kando. Tuteithie ithui delegates a Nyeri Ngai witu tuige o hari we. Uria tukwirwo ni andu a Nyeri Ngai Baba reke tuthii tukoige gu. Reke tukarie kihoto Ngai witu na maundu matari ihoto Ngai witu niundu wa kwenda mbecha muno. Baba witu tutikwenda tukuhiririe ithui. Tukwenda utuige o hau hari Jesu Mwathani tuthii na ihoto ciothe. Ngai witu wa tuika macio mothe ri, ngumo na rugoci niigagucokerera. Niundu nituakuhoya uguo twitikie Ngai witu niugutuigua. Thiini wa ritwa riaku na ria muruguo ucio mwega Jesu Kristu. Amen.

The meeting ended at 1.40 P.M.

